

## LABAARI GEA NGE MƐ MAAKU U YORUA

*Dur*ɔ wi u tire te yorua, win yĩsira Yohanu Maaku. U ñ sãa Yuu. U sãawa Baanabasin dusi.

Maaku u kĩ u tɔmbu Yesun Labaari gea sɔ. U sɔɔsi ma Yesu u bɔsu u tɔmbu gea kuamme, ma u be ba wãa Setam nɔmuɔ bekiamɔ. Domi Gusunɔ u wãa ka wi. Maakun tire ten gari mero ya wãawa Maaku 10:45 sɔɔ. Ya nɛɛ, Tɔnun Bii u nawa u ka gabu sã kpa u gbi u ka tɔn dabinu yakia.

### *Tire ten kpunaa*

1. Yesun Labaari gea, wiru 1:1-13.
2. Yesun sɔmburun tore Galileɔ, wiru 1:14n di sere wiru 9:50.
3. Yesun daaru Yerusalemu gia, wiru 10.
4. Yesun wãaru Yerusalemuɔ, wiru 11n di sere wiru 13.
5. Yesun gɔɔ ka win seebu gɔrin di, wiru 14n di sere wiru 16.

### *Yohanu Batemu kowon waasu*

(*I*maa mɛerio Mateu 3:1-12, Luku 3:1-18, Yohanu 1:19-28)

<sup>1</sup> Yesu Kirisi, Gusunɔn Biin Labaari gean torubu wee.  
<sup>2</sup> Gusunɔn sɔmɔ Esai u yen gari yorua win tireru sɔɔ u nɛɛ, Gusunɔ u nɛɛ,  
 “N wee, na nen sɔmɔ gɔriɔ wunen wuswaaɔ u wunen swaa sɔmɛ.

<sup>3</sup> Nen sɔmɔn nɔɔ ga gbãramɔ gbaburu sɔɔ ga gerumɔ ga mɔ,  
 i Yinnin swaa sɔnwɔ, kpa i n ye nɔɔ nerasiamɔ yu dɛnda.”  
<sup>4</sup> Nge mɛya, Yohanu Batemu kowo u na gbaburu sɔɔ. U kparamɔ u mɔ, bu gɔru gɔsio ben toranun di kpa u bu batemu ko kpa Gusunɔ u bu ben toranu suuru kua.

<sup>5</sup> Tõmbu kpuro ba ra n daamõ win mi saa Yudean tem di ka maa Yerusalemu maron di. Ba ben toranu tuuba mð, ma ba derimõ u bu batemu mð daa te ba mð Yuudenio.

<sup>6</sup> Yohanu wi, u yooyoon sansun yaberu sebua, ma u gõna sêke win põraõ. Twee ka tim bausa u ra di. <sup>7</sup> Ma u waasu mð u gerumõ u mð, goo u sisi nen biruõ wi u man yiiko kere. Ne na kun mam tura n yiira n yëron baranun wëε kusia. <sup>8</sup> Ne na beε batemu mð ka nim, adama yëro wi, u koo beε batemu kowa ka Hunde Dëero.

*Yesu batemu ka win kækiribu*

*(I maa mæerio Mateu 3:13-4:11, Luku 3:21-22, 4:1-13)*

<sup>9</sup> Yen biru Yesu u na Nasaretin di ye ya wãa Galilen temõ, ma Yohanu nùn batemu kua daa te ba mð Yuudenio.

<sup>10</sup> Sanam mε u yario nim di, yera u wa wõlla wukiara, ma u Hunde Dëero wa nge kparuko u saram wee win wõllõ.

<sup>11</sup> Ma u nõõ gagu nua wõllun di ga nεε, wuna nen Bii kïnasi wì sõõ nen gõru dobu kpuro wãa.

<sup>12</sup> Saa ye sõõra Hunde Dëero u Yesu sure gbaburu sõõ.

<sup>13</sup> Ma u wãa mi sõõ weeru, Setam nùn kækirimõ. Wi ka gbeeku yeε sanna ba wãa mi, ma wõllun gõradoba ba na ba nùn nõõri.

*Yesu u susure kowobu nne soka*

*(I maa mæerio Mateu 4:12-22, Luku 4:14-15, 5:1-11)*

<sup>14</sup> Ye ba Yohanu mwa ba pirisõm doke ba kpa, yera Yesu u da Galilen temõ u Gusunõn Labaari gea kparamõ. <sup>15</sup> U nεε, saa ya tura, Gusunõ u sisi u bandu swiï. I gõru gõsio been toranun di kpa i Labaari gea ye naane doke.

<sup>16</sup> Sanam mε Yesu u siimõ Galilen daa burerun goorõ, u Simõõ wa ka win wõnõ Andere. Ba ben yãakororu kpëemõ daa bure te sõõ, domi swëε gowoba ba sãa. <sup>17</sup> Yesu u bu sõõwa u nεε, i man swiïma, kon de i n da tõmbu kasu bu man swiï.

<sup>18</sup> Yande ba ben yãakoronun baa deri, ma ba nùn swiï.

<sup>19</sup> Ye u susi wuswaaɔ fiiko, u Yakɔbu wa ka win wɔnɔ Yohanu be ba s̄aa Sebeden bibu. Ba w̄aa goo nimkuu s̄ɔɔ ba ȳaakoronu k̄arumɔ. <sup>20</sup> Mii mii u bu soka, ma ba n̄n sw̄ii. Ba ben tundo Sebede deri ka s̄ɔm kowobu sannu goo nimkuu s̄ɔɔ.

*Durɔ* wi w̄ereku gagu ga w̄asi

(*I maa m̄errio* Luku 4:31-37)

<sup>21</sup> Ma ba da Kapenamuw. Ye n kua t̄ɔw w̄erarugiru, ma Yesu u dua m̄ennɔ yerɔ, u bu Gusunɔn garin keu s̄ɔɔsim w̄ori. <sup>22</sup> Biti bu mwa win keu s̄ɔɔsi bin s̄ɔ. U bu s̄ɔɔsimɔwa ka yiiko, n n̄ mɔ nge m̄e wooda ȳeroba ra s̄ɔɔsi.

<sup>23</sup> N deema saa ye s̄ɔɔ, w̄erekunugii goo u w̄aa ben m̄ennɔ yee te s̄ɔɔ. U gb̄ara u n̄e, <sup>24</sup> mba sa m̄ɔɔsine bese ka wune, Yesu Nasaretigii. A nawa a ka sun kam koosia? Na ȳe wi a s̄aa. Wune Gusunɔn t̄ɔn D̄erowa.

<sup>25</sup> Yesu u w̄ereku ge gerusi u n̄e, a mario, kpa a yari durɔ win min di.

<sup>26</sup> Yera w̄ereku ge, ga durɔ wi sura nge giri kpakpanugii, ma ga kuuki kua ga ka yara win min di. <sup>27</sup> Biti t̄ɔn be kpuro mwa gem gem sere ba s̄ɔɔnamɔ ba m̄ɔ, mban bwesera yeni. Gari tukiya u s̄ɔɔsimɔ ka yiiko. Baa ka w̄erekunɔ u nu wooda w̄̄emɔ, ma nu n̄n m̄em n̄ɔwamm̄e.

<sup>28</sup> Ma win baaru yande kparara Galilen tem kpuro s̄ɔɔ.

*Yesu u t̄ɔn* dabinu beki

(*I maa m̄errio* Mateu 8:14-17, Luku 4:38-41)

<sup>29</sup> Ye Yesu yara m̄ennɔ yerun di, wi ka Yakɔbu ka Yohanu ba da Simɔɔ ka Anderen yenuɔ. <sup>30</sup> N deema, Simɔɔn kurɔn mero u wasi sundu barɔ u kp̄i. Ye ba yande tura mi, ba win gari Yesu s̄ɔɔwa. <sup>31</sup> Ma u da win mi, u n̄n n̄ɔmu n̄enua u ka n̄n seesia. Yande wasi sun te, ta n̄n doonari, ma u bu n̄ɔrim w̄ori.

<sup>32</sup> Ye n kua yoka, sanam m̄e s̄ɔɔ dua, t̄ɔmba ka barɔbu kpuro ka w̄erekunugibu na win mi. <sup>33</sup> Ma wuugibu kpuro

ba menna dii tèn mi u wāan kənnəwə. <sup>34</sup> U dabiru bekiā saa ben bara bwese bwesekan di, ma u maa wəreku dabinu gira. Adama u n̄ deri wəreku ni, nu gari gere domi nu n̄n yē.

*Yesu u bəsu Galilen temə*  
(*I maa mɛerio Luku 4:42-44*)

<sup>35</sup> Yen sisiru buru buru yellu, sanam mɛ yam kun dɛeram kpa, Yesu u seewa u yara. U doona mi n̄ dɛsire, u kanaru m̄. <sup>36</sup> Ma Simə ka win kpaasibu ba n̄n kasu. <sup>37</sup> Sanam mɛ ba n̄n wa ba n̄n s̄əwa ba nɛ, tambu kpuro wə ba nun kasu.

<sup>38</sup> U bu s̄əwa u nɛ, n weene su da wusu gasu s̄ə si su ka sun sikerene, kpa n maa waasu ko mi, domi yen s̄na na na.

<sup>39</sup> Ma u bəsu Galilen tem kpuro s̄ə u waasu m̄ ben mennə yenə, u maa wərekunu giramə.

*Yesu u wi u bara disigiru barə bekiā*  
(*I maa mɛerio Mateu 8:1-4, Luku 5:12-16*)

<sup>40</sup> N wee, goo u na Yesun mi, wi u bara disigiru m̄ u yiira u n̄n faaba kana. U nɛ, à n wura kaa kp̄ a man bekiā kpa n dɛera.

<sup>41</sup> Yera wənwənda Yesu mwa, ma u win n̄mu demia u n̄n baba u nɛ, na wura, a bəkuro kpa a dɛera.

<sup>42</sup> Yande bara disigii te, ta n̄n ȳsu, ma u bəkura u dɛera. <sup>43-44</sup> Sanam mɛya Yesu u n̄n s̄əwa ka dam u nɛ, a ku goo gɛ s̄. Adama a doo a tii ȳku kowo tusia, kpa a ȳkuru ko te M̄wisi raa bɛ yiire, a ka baawure seeda s̄əsi ma a bəkura a dɛera. Ma u dera u doona.

<sup>45</sup> Adama durə wi, u doona ma u da u gari yi kparam wəri batuma s̄ə ye n̄ koora wi s̄ə. U gari yi saarimə sere Yesu kun kp̄a u wuu due, adama u ȳra wuun biruə mi n̄ dɛsire. Ma tamba naamə win mi saa baaman di.

## 2

*Yesu u durɔ* goo bekia wɪn wasin bee tia gu

(*I maa mɛerio Mateu 9:1-8, Luku 5:17-26*)

<sup>1</sup> Sɔɔ mɛerun biru, Yesu u wura Kapenamuo. Tɔmba nua ma u wɔa yenuo. <sup>2</sup> Ma tɔn wɔru ga menna sere ayeru maa sari baa kɔnnɔwɔ. Ma u bu Labaari gean gari nɔɔsiamɔ. <sup>3</sup> Ba ka nɔn durɔ goo naawa wɪn wasin bee tia gu. Tɔmbu nnɛwa ba nɔn sɔɔwa. <sup>4</sup> Adama tɔn wɔru gen sɔ ba kpana bu Yesu susi. Yen sɔna ba diru mi u wɔan wɔllɔ yaba win deedeeru. Ye ba yaba ba kpa, ma ba ka wɛɛ beku bɔɔ te sarasia tɛ sɔɔ durɔ wi, u kpɪ. <sup>5</sup> Ye Yesu u durɔ ben naane dokebu wa bi ba mɔ wi sɔɔ, u barɔ wi sɔɔwa u nɛɛ, bii durɔbu, a wunen durum suuru wa.

<sup>6</sup> Wooda yɛrobu gabu ba sɔ mi, ma ba tii bikiamɔ gɔruo ba mɔ, <sup>7</sup> mban sɔna durɔ wi, u gari gerumɔ mɛsum. U Gusunɔ wɔmmɔwa. Wara koo kpɪ u durum suuru ko Gusunɔ turo baasi. <sup>8</sup> Mii mii Yesu u gia ye ba bwisikumɔ. Ma u bu bikia u nɛɛ, mban sɔna i gari yinin bweseru bwisikumɔ bɛɛn gɔruo. <sup>9</sup> Yerà ya sɛsɔ bo, bu ka barɔ wi sɔ u win durum suuru wa, n̄ kun mɛ bu nɔn sɔ u seewo u win kpɪn yeru kure, kpa u sɪ. <sup>10</sup> Adama na kɪ i n yɛ ma Tɔnun Bii u yiiko mɔ handunia ye sɔɔ u ka durum suuru ko.

Yera u barɔ wi sɔɔwa u nɛɛ, <sup>11</sup> na nun sɔɔmɔ, a seewo a wunen kpɪn yeru kure, kpa a we yenuo.

<sup>12</sup> Nge mɛ tɔmbu kpuro ba nɔn mɛera swee, durɔ wi, u seewa u win kpɪn yeru sua, u n yariɔ. Biti baka tɔn be mwa gem gem, ma ba Gusunɔ bɛɛɛ wɛɛmɔ. Ba gerumɔ ba mɔ, ba n̄ yenin bweseru waare.

*Yesu u Lefi soka*

(*I maa mɛerio Mateu 9:9-13, Luku 5:27-32*)

<sup>13</sup> Yera Yesu u kpan wura daa burerun goorɔ. Tɔmbu kpuro ba naamɔ win mi, ma u bu Gusunɔn garin keu

sɔɔsimɔ. <sup>14</sup> Sanam mɛ u sarɔ u Lefi wa, Alufen bii, u sɔ gberɛ yerɔ. U nùn sɔɔwa u nɛɛ, a man swīiyɔ.

Lefi seewa ma u nùn swīi.

<sup>15</sup> N deema sanam mɛ Yesu u dimɔ Lefin yɛnuɔ, gberɛ mwaɔbu ka kɔsan kowobu dabira sɔ ka wi, ka win bwāabu sannu, domi ba dabi be ba nùn swīi. <sup>16</sup> Ye Falisiban wooda yɛrobu ba Yesu wa u dimɔ ka gberɛ mwaɔbu ka kɔsan kowobu sannu, ba win bwāabu bikia ba nɛɛ, mban sɔna u ka gberɛ mwaɔbu ka kɔsan kowobu dimɔ sannu.

<sup>17</sup> Ye Yesu u ye nua, u wooda yɛro be sɔɔwa u nɛɛ, be ba bwāa do ba ñ timgiin bukata mɔ ma n kun mɔ be ba barɔ. Na ñ nɛ n ka gɛngibu soku. Na nawa n ka torobu soku.

*Nɔɔ bɔkurun gari*

*(I maa mɛɛrio Mateu 9:14-17, Luku 5:33-39)*

<sup>18</sup> Ye Yohanun bwāabu ka Falisibagibu ba nɔɔ bɔkua, tɔmba na ba Yesu bikia ba nɛɛ, mban sɔna Yohanun bwāabu ka Falisibagibu ba nɔɔ bɔkua, ma wigiba kun bɔkua.

<sup>19</sup> Yesu u bu bikia u nɛɛ, kurɔ kpaon durɔn bɔrɔba ba koo kpī bu nɔɔ bɔke sanam mɛ sɔɔ kurɔ kpaon durɔ wāa ka be? Aawo, baa ñ n saa yeren na, ù n wāa ka be, ba ñ kpɛ bu nɔɔ bɔke. <sup>20</sup> Adama saa sisi yɛ sɔɔ ba koo bu kurɔ kpaon durɔ suari, sanam mɛya ba koo nɔɔ bɔke.

<sup>21</sup> Ba ku ra yabe tɔkɔru kɔre ka kīa kpaa si ba ñ nim doke. Bà n kua mɛ, kīa kpaa si, su koo gawana kpa su yabe tɔkɔrugisu gīa kpa gɛɛrabu sosi. <sup>22</sup> Ba ku ra maa tam kpam wisi gɔnan bɔɔnu sɔɔ ni nu diira. Bà n kua mɛ, tam kpam mɛ, mu koo de bɔɔnu nu kura, kpa mu yari kpa bɔɔ ni ka tam mɛ, n kam ko kpuro. Adama ba ra tam kpam wisiwa gɔnan bɔɔ kpaanu sɔɔ.

*Tɔɔ wɛrarugirun gari*

*(I maa mɛɛrio Mateu 12:1-8, Luku 6:1-5)*

<sup>23</sup> Tãw wêrarugiru garu sãw, n deema Yesu ka win bwãabu ba sîimã swaa sãw alikama gbaarun bõkuw. Nge me ba sîimã, win bwãabu ba alikama wõkamã. <sup>24</sup> Yera Falisiba ba Yesu sãwãa ba nêe, u mæerio, mban sãna win bwãaba mð ye wooda ya yina bu ko tãw wêrarugiru sãw.

<sup>25</sup> Ma Yesu u bu bikia u nêe, i ñ garire ye Dafidi u kua sanam me gðõra bu mð wi ka win bwãabu, ma ba ñ gãanu mã ni ba koo di? <sup>26</sup> U dua Gusunõn dirõ Abiataa, yãku kowo tønweron waati, ma u pðe di ye ba Gusunõ yiiye, ye n ñ weene goo u di ma n kun mã yãku kowobu tãna. Adama Dafidi u ye di, u maa win bwãabu wẽ.

<sup>27</sup> Ma Yesu bu sãwãa u nêe, Gusunõ u tãw wêrarugiru wunawa tønun arufaanin sã. U ñ tõnu taka kue tãw wêrarugirun sã. <sup>28</sup> I de i n yẽ ma Tõnun Biiwa u tãw wêrarugiru kua.

### 3

*Durõ win nãm teu ga gu*

(*I maa mæerio Mateu 12:9-14, Luku 6:6-11*)

<sup>1</sup> Ma Yesu u kpam dua mennõ yerõ. Durõ goo wãa mi, wìn nãm teu ga gu. <sup>2</sup> Tõmba Yesu mæera bu wa ù n koo durõ wi bekie tãw wêrarugiru sãw, kpa bu ka wa bu nùn durum mani. <sup>3</sup> Ma u durõ wi sãwãa wìn nãm ga gu mi, u nêe, a seewo a yõra suunu sãw.

<sup>4</sup> Ma u tøn be bikia u nêe, mba n weene bu tõmbu kua tãw wêrarugiru sãw. Gea? Nge kãsa. N weene bu tõnu faaba ko? Nge bu nùn go.

Adama ba maari. <sup>5</sup> Yesu u bu mæera ka mõru u ka sikerena, ma win nukura sankira ben woo bõbunun sã. Yera u durõ wi sãwãa u nêe, a wunen nãm demia.

U ge demia ma ga wura nge me ga raa sãa. <sup>6</sup> Yen sãna Falisiba ba yara ma ba yande menna ka Herodun tõmbu, ba wesiana nge me ba koo ko bu ka Yesu go.

*Tõn wõru guna ya na Yesun mi*

<sup>7</sup> Yesu ka win bwāabu ba tii gawa ba da Galilen daa bureru gia, ma tən wəru guna nùn swīi. Tən be, ba nawa Galilen di ka maa Yudean tem di, <sup>8</sup> ka Yerusalemun di, ka Idumen tem di, ka Yuudenin gurun di, ka Tiri ka Sidonin baru kraanun di. Tən wəru guna ye, ya na Yesun mi yèn sō ba ye u m̀d̄ kpuron labaari nua. <sup>9</sup> Tən wəru guna yen kpāarun saabu Yesu u win bwāabu sōwa u n̄εε, bu nùn goo nimkuu sōru kuo, kra tən be, bu ku nùn baasi. <sup>10</sup> Yesu u raa tən dabinu bekia, yen sōna be ba barə ba b̄arikianamə bu wa bu ka nùn baba. <sup>11</sup> Werekunu n̄ n nùn wa nu ra nùn kpunewa kra nu n̄ kuuki m̀d̄ nu n̄ gerumə, wuna Gusunən Bii. <sup>12</sup> Adama Yesu u ra nu gerusi gem gem nu ku ka gere wi u s̄aa.

*Yesu u bwāabu wəkura yiru gōsa*

*(I maa m̄erio Mateu 10:1-4, Luku 6:12-16)*

<sup>13</sup> Yen biru Yesu u da guuru wəllə, ma u t̄mbu gabu soka be u kī. Ma ba da win mi. <sup>14</sup> Yera u ben wəkura yiru gōsa, [u bu yīsiru k̄a ḡrobu], be ba ko n̄ ka nùn wāa, kra u bu ḡori bu Labaari gea kra, <sup>15</sup> kra u bu dam w̄ε bu ka werekunu gira. <sup>16</sup> T̄nu wəkura yiru ye u gōsa wee, Simə wi u yīsiru k̄a Piεε, <sup>17</sup> ka Yakəbu ka win wənə Yohanu, Sebeden bibu be u yīsiru k̄a Buanεge, yen tubusiana guru kukirinugibu, <sup>18</sup> ka Andere, ka Filipu, ka Baatelemi, ka Mateu, ka Tomaa, ka Yakəbu Alufen bii, ka Tade, ka Simə wi u win tem gari kī, <sup>19</sup> ka sere Yudasi Isikariətu wi u t̄mbu Yesu n̄mu s̄ondia.

*Yesun t̄mbu ba kī*

*bu ka nùn doona*

<sup>20</sup> Ma ba wura yenuə. Tən wəru ga wure ga m̄enna sere Yesu ka win bwāabu ba f̄εε bia bu di. <sup>21</sup> Sanam m̄e win dusiba ye nua, ba da bu ka nùn doona min di, domi ba gerumə u wiirawa.



*Yesu u ka tii yinamə*

*(I maa mɛɛrio Mateu 12:22-32, Luku 11:14-23, 12:10)*

<sup>22</sup> Ma wooda yĕro be ba wee saa Yerusalemun di ba gerumə ba mɔ̀, Beseburu u nùn wāasiwa. Werekunun sunə wiya u nùn dam wē u ka werekunu gira.

<sup>23</sup> Yen sōna Yesu u tambu soka ma u bu bikia ka mɔ̀ndu u nɛɛ, aməna Setam ya koo kpī yu yen tii gira. <sup>24</sup> Bandun tambu bà n tabu mɔ̀ ben suunu sɔ̀, ban te, ta ñ kpĕ tu tɛ. <sup>25</sup> Yenu gèn tamba maa sankinamə, ga ñ kpĕ gu tɛ.

<sup>26</sup> Setam yà n maa ka yen tii tabu mɔ̀, yen dam mù n bɔ̀nu kua, ya ñ kpĕ yu tɛ, yen dam mu koo nɔ̀ru ko.

<sup>27</sup> Goo kun kpĕ u du damgiin yenuə u ka win yānu gura u kun gina damgii wi bəkue u sere win yānu gura.

<sup>28</sup> Ka geema, na bɛɛ sɔ̀mɔ̀, toraru ka gari kam kpuro ye tamba gerumə, ba koo bu ye suuru kua. <sup>29</sup> Adama baawure wi u Hunde Dɛero gari kam gerusimə, u ñ suuru wasi. Win torara ko n maa nùn wāasiwa ka baadommaə.

<sup>30</sup> Yesu u yeni geruawa yèn sɔ̀ gaba nɛɛ werekuwa ga nùn wāasi.

*Berà ba sāa Yesun wənəbu*

*ka win mero*

*(I maa mɛɛrio Mateu 12:46-50, Luku 8:19-21)*

<sup>31</sup> Sanam meya win wənəbu ka win mero ba tunuma. Ba yĕra tɔ̀wɔ̀, ba goo gɔ̀ra u nùn sokuma. <sup>32</sup> Tən wəru ga sɔ̀ ga nùn sikerenɛ, ma goo u nùn sɔ̀wɔ̀ u nɛɛ, wee, wunen mero ka wunen wənəbu ba yĕ tɔ̀wɔ̀ ba nun soku.

<sup>33</sup> Ma u nɛɛ, wara sāa nen mero. Berà ba sāa nen wənəbu.

<sup>34</sup> Ma u be ba nùn suunu bure mɛɛra u ka sikerena, ma u nɛɛ, nen mero ka nen wənəbu wee. <sup>35</sup> Baawure wi u Gusunən kīru mɔ̀, wiya nen wənə, ka nen sesu, ka nen mero.

## 4

*D*ña bwese yēkon gari

(*I* maa mēerio Mateu 13:1-9, Luku 8:4-8)

<sup>1</sup> Yesu u kpam Gusunɔn garin keu sɔ̄osim wəri daa bu-rerun gooro. Tɔn wɔru guna ya menna ya nùn sikerena, yen sɔ̄na u bu deri gooro u goo dua ge ga wāa nim sɔ̄, ma u sina. <sup>2</sup> Ma u bu gāa dabinu sɔ̄osim wəri ka mɔnnu. Win sɔ̄osibu sɔ̄ u gerua u nɛɛ, <sup>3</sup> i swaa dakio. Duro goo u yara u ka dīa bweseru yēka. <sup>4</sup> Sanam mɛ u yēkamɔ, sukum wɔruma swaa sɔ̄. Gunɔsu na su di. <sup>5</sup> Sukum gam maa wəri kpee saara wɔllɔ mi tem kun duku. Ma mu kpia yande yèn sɔ̄ tem kun duku. <sup>6</sup> Adama ye sɔ̄ u bɔbia mu dɔ̄ɔ mwaara ma mu gbera yèn sɔ̄ mu ñ gbini mɔ. <sup>7</sup> Sukum gam maa kpam wəri sāki sɔ̄. Sāki kpia fuuku ma yi yina mu kpēa. Mu ñ mara. <sup>8</sup> Adama sukum gam maa wɔruma tem gem sɔ̄. Mu kpia ma mu kpēa ma mu mara sukum ten tenibu, sukum wata wata, sukum wunɔm wunɔm.

<sup>9</sup> Ma u nɛɛ, wi u swaa mɔ u ka nɔ, u nɔwɔ.

*M*ɔnnun asansi

(*I* maa mēerio Mateu 13:10-17, Luku 8:9-10)

<sup>10</sup> Sanam mɛ Yesu u tia wi turo, be ba nùn swīi ka bwāabu wəkura yiru ye sannu, ba nùn mɔnnun asansi bikia. <sup>11</sup> U bu sɔ̄ɔwa u nɛɛ, bɛɛya Gusunɔ u win bandun asiri sɔ̄osi, adama be ba tie ba gari kpuro nɔ̄mɔ ka mɔnnu, <sup>12</sup> kpa

“Bu ka mēeri ba kun wa.

Bà n maa nua, kpa n ku bu yeeri,

kpa bu ku raa ka gɔru gɔsie,

Gusunɔ u sere bu suuru kua.”

*M*ɔn ten tubusianu

(*I* maa mēerio Mateu 13:18-23, Luku 8:11-15)

<sup>13</sup> Ma u bu sɔ̄ɔwa u nɛɛ, mɔn teni ta ñ bɛɛ yeeri? Ñ n mɛn na, amɔna ni nu tie kpuro nu koo ka bɛɛ yeeri.

<sup>14</sup> Durɔ wi, Gusunɔn gariya u yɛkamɔ. <sup>15</sup> Tɔn be ba ka swaa baaru weenɛ mi ba gari yi yɛka, beya bɔ n gari yi nua Setam da nɛ u yi wuna ben gɔrun di. <sup>16</sup> Mɛya maa be ba ka kpee saaran tem weenɛ, beya bɔ n gari yi nua mii mii ba ra yi mwe ka nuku dobu. <sup>17</sup> Adama ba ku ra n gbini mɔ ben tii sɔɔ, ba ku ra yɔre n ka tɛ. Sanam mɛ wahala ka nɔni swɔara tunuma gari yin sɔ, yande kpa bu biru wura. <sup>18</sup> Gaba maa sɔa be ba ka tem sɔkunugum weenɛ. Beya ba ra gari yi nɔ <sup>19</sup> adama ba ra n wurure ka ben handunian wɔaru kpa dukian kɪra n bu taki dii. Ba gɔa dabinun kɔde mɔ. Ye kpurowa ya ra gari yi tɛesi kpa yi kpana yi binu ma. <sup>20</sup> Be ba maa ka tem gem weenɛ, beya ba ra gari yi nɔ kpa bu yi mwa kpa bu binu ma, gabu tɛna, gabu wata, gabu wunɔbu (100).

### *Fitilan mɔndu*

*(I maa mɛerio Luku 8:16-18)*

<sup>21</sup> Yera Yesu u bu bikia u nɛɛ, ba ra fitila ge ga sɔre kaaru wukiri? Ba ra gu doke kpinun kɔkɔrɔ? Ba ku ra gu sɔndi dabu wɔllɔ? <sup>22</sup> Gɔanu sari ni nu berua ma nu n koo tera, asirin gɔanu maa sari ni nu n koo sɔsira. <sup>23</sup> Wi u swaa mɔ u ka nɔ, u nɔwɔ.

<sup>24</sup> U maa bu sɔɔwa u nɛɛ, i laakari koowo ye i nɔmɔ. Sakaku ge i ka yɪrumɔ, geya ba koo ka bɛɛ yɪrua, kpa bu bɛɛ sosia. <sup>25</sup> Domi wi u mɔ, wiya ba koo sosia. Adama wi u kun gɔanu mɔ, piiko ye u mam mɔ ba koo nɔn ye wɔrari.

### *Dɪa bwese te ba yɛkan gari*

<sup>26</sup> Ma Yesu u nɛɛ, Gusunɔn banda sɔawa nge durɔ goo wi u bweseru yɛka gberɔ. <sup>27</sup> U kpunamɔ wɔkuru, u seemɔ bururu. Saa ye kpurowa bwese te, ta kpiimɔ ta kpɛamɔ. U n yɛ amɔna n koosinamɔ. <sup>28</sup> Tema mu ka mɛn tii tu kpiisiamɔ, gbiikaa kpii nɔnu, yen biru kerɪ, dɔkuru kpa tu

bem doke. <sup>29</sup> Sanam me bem mu ye, kpa bu gē ka kōmbō domi gēebun sanam mu tura.

*Mutaadin biman gari*

*(I maa mēerio Mateu 13:31-32, 34, Luku 13:18-19)*

<sup>30</sup> Yesu u kpm wure u nē, mba sa ko ka Gusunōn bandu weesina. Ka mōn terà sa ko tu tubusia. <sup>31</sup> Ta ka mutaadin bima weenē. Bā n ye duurumō gberō, handunian gāa bweseru kpuro sō yeya ya piiburu bo. <sup>32</sup> Adama bā n ye duura bā n kpa ya ra kpēye yu ko dāru, kpa yu kāasi beke ko sere gunōsu su sokunu ko yin kukōsō.

<sup>33</sup> Yesu u tōn be Labaari gean gari sōwa ka mōn dabinu nge nini, nge mēn saka ba koo kpī bu nō. <sup>34</sup> U ñ ka bu gari diri kue ma n kun mō ka mōndu, adama ù n tia ka win bwāabu tōna, u ra bu kpuro tubusiewa.

*Yesu u nim kurenu marisia*

*(I maa mēerio Mateu 8:23-27, Luku 8:22-25)*

<sup>35</sup> Tōō ten yoka, u win bwāabu sōwa u nē, i de su tōbura guru giō.

<sup>36</sup> Ba tōn wōru deri, ma ba dua goo ge sō, mi u sō, ba tōburō sannu. Ma goosu gasu bu swīi. <sup>37</sup> Suaru sō woo bōkō ga na ka dam ma nim kurenu wisi goo sō sere ga kī gu yande nim yibu. <sup>38</sup> Adama Yesu u dō goo sō biruō u leferi wiru kpīiri. Bwāa be, ba nūn yamia ba nē, yinni n ñ nun gam sāa ye sa kam kobu dō?

<sup>39</sup> Yera u yanda ma u woo gerusi ka dam ma u nim kurenu sōwa u nē, n tura me, i mario sē.

Woo ga mari ma yande nim kurenu kpa. <sup>40</sup> Yera u bu bikia u nē, mban sōna i nanda nge me. Amōna i ñ ka man naanē sāa.

<sup>41</sup> Ben yaro sua ma ba bikianamō, tōnu weren bwesera wini wi baa woo ka nim kurenu nu mēm nōwammē.

## 5

*Yesu u wɛrɛkunugii bɛkia*

*(I maa mɛɛrio Mateu 8:28-34, Luku 8:26-39)*

<sup>1</sup> Ba tura daa bure ten guru giɔ Gadaran temɔ. <sup>2-3</sup> Ye Yesu u yande sara goon di yera durɔ wɛrɛkunugii goo u ka nùn yinna, u wee sika gian di. Sika sɔɔra u ra n wāa. Ba ku ra kpī bu nùn bɔke, baa ka yɔni. <sup>4</sup> Domi nɔn dabira ba raa win nɔma sunnu doke, ma ba win kōri bɔkua ka yɔni adama u ra yɔni kasuku kpa u sun ni bɔɔku. Goo maa sari wi u dam mɔ u ka nùn dwiiasia. <sup>5</sup> Saa baayere wōkuru ka sɔɔ sɔɔ, u ra n wāawa sikan suunu sɔɔ ka guunu wɔllɔ u n kuuki mɔ kpa u n tii muririmɔ ka kpenu.

<sup>6</sup> Ye u Yesu wa sarun di u duka da u kpuna win wuswaaɔ. <sup>7</sup> Ma u gbāra u nɛɛ, mba n sun mɛnɛ Yesu, Wɔrukoon Bii. Na nun suuru kanamɔ ka Gusunɔn yīsiru, a ku man toori.

<sup>8</sup> U yeni gerua yèn sɔ Yesu u raa nɛɛ, wɛrɛku ge, gu yario.

<sup>9</sup> Ma Yesu nùn bikia u nɛɛ, amɔna wunen yīsiru.

U wisa u nɛɛ, nɛn yīsira Nɔrɔbu domi sa dabi.

<sup>10</sup> Ma u Yesu suuru kana u nɛɛ, u ku nu tem mɛ yara.

<sup>11</sup> N deema kurusɔ wuu bakaru gara wāa ta dimɔ guurɔ.

<sup>12</sup> Ma wɛrɛku ni, nu Yesu kana u de nu da kurusɔ nin mi, nu du ni sɔɔ.

<sup>13</sup> Ma Yesu u dera nu da. Ma wɛrɛku ni, nu durɔ wi doonari nu dua kurusɔ ni sɔɔ. Ma kurusɔ wuu te, ta duki sure saa guuru wɔllun di daa bure te sɔɔ. Kurusɔ nin geera tura nge nɔrɔbun suba yiru (2.000) ma ta nim diira.

<sup>14</sup> Be ba kurusɔ ni kpare ba duki sua, ba yen labaari kparamɔ wuu marɔɔ ka baru kpaanɔ. Tɔmba da bu wa ye n koora. <sup>15</sup> Ba na Yesun mi, ma ba durɔ wi wa wi u raa wɛrɛku dabinu mɔ mi sere ba nu sokumɔ Nɔrɔbu. Win laakari ya wurama, u sɔ u yānu doke. Sanam meya be kpuro ba nanda. <sup>16</sup> Be ba wa ye n durɔ wɛrɛkunugii wi ka

maa kurusə ni deema, beya ba tən be nəəsia ye n koorā.

<sup>17</sup> Ma tən be, ba Yesu kana u doona ben tem di.

<sup>18</sup> Sanam mε Yesu u dumə goo səə, wi werekunu raa wāasi mi, u nùn ayeru kana u ka nùn da sannu. <sup>19</sup> Adama Yesu nùn yinari. Ma u nùn sđəwa u nεε, u doo yenuə wigibun mi kpa u bu nəəsia ye Yinni nùn kua kpuro ka nge mε u nùn wənwəndu kua.

<sup>20</sup> Durə wi, u doona ma u kparamə tem mε ba ra soku Wusu wəkuru səə gāa baka ni Yesu nùn kua. Ma n tumbu kpuro maamaaki sāa.

Yarusin bii ka kurə wi u Yesun yaberu baban gari

(I maa mεerio Mateu 9:18-26, Luku 8:40-56)

<sup>21</sup> Ye Yesu u kparamə guru ge u raa wāa, tən wəru guna maa menna win mi daa burerun goorə. <sup>22</sup> Durə goo wi ba ra soku Yarusi, mənno yerun wirugii, u na mi. Ye u Yesu wa u kpuna win wuswaas. <sup>23</sup> Ma u nùn kana gem gem u na u win bii wəndia nəma səndi wi u wasikiramə, kpa u bekura u n wāa.

<sup>24</sup> Yesu ka nùn da. Ma tən wəru guna nùn swīi, ya nùn baasi.

<sup>25</sup> N deema, tən ben suunu səə kurə goo wāa mi, wi u yem wīibu barə saa wđə wəkura yirun di. <sup>26</sup> Timgii dabiru be ba nùn nəəri ba nùn nəni sđəwa gem gem, ma ya win ye u mə kpuro di ma n n sanə kue adama n gəəgəm mđwa n dəə. <sup>27</sup> Ye u Yesun baaru nua u tən wəru ge bukiana u nùn susi biruə, ma u win yaberu baba. <sup>28</sup> Domi u gerua win gđruə u nεε, baa win yaberu, wi, u n baba u koo bekura. <sup>29</sup> Yera win yem wīi bi, bu yđra migum migum, ma u gia win wasi səə ma u bekurawa. <sup>30</sup> Ma Yesu tuba mii mii ma win dam mu səmburu kua. Ma u sīira tən wərun suunu səə u nεε, wara nen yaberu baba.

<sup>31</sup> Win bwāaba nùn wisa ba nεε, a tən wəru mεerio ge ga nun mənsi. Miya a maa bikiamə wara nun baba?

<sup>32</sup> U mɛɛra u ka sikerena u ka wa wi u ye kua. <sup>33</sup> Ma kurɔ wi, u diirimɔ ka nandabu, ma u na u kpuna win wuswaaɔ yèn sɔ̄ u yɛ̄ ye n koora wi sɔ̄ɔ. Ma u nùn win garin dee dee sɔ̄ɔwa. <sup>34</sup> Ma Yesu nùn sɔ̄ɔwa u nɛɛ, bii kurɔbu, wunen naane dokebu nun bekia. A doo ka alafia, kpa a n bwāa do.

<sup>35</sup> Sanam mɛ Yesu u gari yi gerumɔ gaba na saa Yarusi wirugii win yenun di, ma ba wirugii wi sɔ̄ɔwa ma win bii u sariru kua. Mban sɔ̄na u maa yinni baasimɔ.

<sup>36</sup> Adama Yesu u n̄ ben gari swaa sue, ma u mennɔ yerun wirugii wi sɔ̄ɔwa u nɛɛ, a ku bɛrum ko, a gesi naane dokeo.

<sup>37</sup> U n̄ dere goo u nùn yɔ̄siri ma n kun mɔ Piɛɛ ka Yakɔbu ka Yakɔbun wɔnɔ Yohanu. <sup>38</sup> Ye ba tura mennɔ yerun wirugii win yɛnuɔ, Yesu u tɔn dabiru wa ba wure bakanu mɔ, ba sumɔ ba kuuki mɔ. <sup>39</sup> Sanam mɛ u dua dirɔ u bu bikia u nɛɛ, mban sɔ̄na i sumɔ, i wure mɛ. Wɔndia wi, u n̄ gu u dɔwa.

<sup>40</sup> Ma ba nùn yaakoru mɔ. Adama ye u be kpuro yara u kpa, u dera wɔndia win tundo ka win mero ka be ba wāa ka wi sannu ba dua ka wi, mi wɔndia wi, u kpī. <sup>41</sup> U wɔndia win nɔmu nɛnuɔ, ma u nùn sɔ̄ɔwa u nɛɛ, talita kum. Yen tubusiana, wɔndia wune, na nun sɔ̄mɔ, a seewo.

<sup>42</sup> Ma yande wɔndia wi, u seewa u sīimɔ, domi wɔ̄ɔ wɔkura yirugiiwa. Biti bu mwa sere n banda. <sup>43</sup> Yesu u bu sɔ̄ɔwa u sire u nɛɛ, bu ku raa de goo u nɔ. Ma u nɛɛ, bu wɔndia wi dīanu wɛ̄ɛyɔ u di.

## 6

Nasaretigiba kun Yesu wure

(I maa mɛerio Mateu 13:53-58, Luku 4:16-30)

<sup>1</sup> Yesu u doona min di u da win tiin wuuɔ, ma win bwāaba ka nùn da. <sup>2</sup> Ye n kua tɔ̄ɔ wɛ̄rarugiru u Gusunɔn garin keu sɔ̄sim wɔri mennɔ yerɔ. Tɔn dabi te ta nùn

swaa daki, biti bu mwa. Ma ba m̀, man diya u yenin bweseru waama. Bwisi yir̀n bwesera ba ǹn k̄. Am̀na u ka s̀m damgii ninin bweseru m̀. <sup>3</sup> N ò d̄a d̄ko wi mini? Maarin bii? Yak̀bu ka Yosefu ka Yudu ka Sim̀aban m̀? N ò b̄e ka win sesuba sa w̄a mini sannu?

Yeniban s̄na ba ò ǹn naane doke. <sup>4</sup> Ma Yesu u bu s̄wa u nee, gam sari mi Gusuǹn s̀m ku ra n b̄e m̀ ma n kun m̀ win tiin tem̀ ka win t̄mbun suunu s̀ ka win yenù.

<sup>5</sup> Yesu u ò kp̄a u s̀m damgiru garu kue mi, ma n kun m̀ ye u bar̀bu gabu ǹma s̄ndi u ka bu beki. <sup>6</sup> Ma u biti kua gem gem ben naane doke sarirun s̄.

*Yesu u bw̄abu w̄kura yiru g̀ra yiru yiru*  
(*I maa m̄erio Mateu 10:5-15, Luku 9:1-6*)

Yen biru Yesu u baru kpaanu daam̀, u Gusuǹn garin keu s̄sim̀. <sup>7</sup> Ma u w̄kura yiru ye soka u bu g̀rim̀ yiru yiru. U bu dam k̄ w̄rekunun w̄ll̀, <sup>8</sup> ma u bu yiire bu ku ḡanu kusenu ko sanum s̄ ma n kun m̀ deki. Bu ku d̄anu sua, ò kun m̄ b̄ru, ò kun m̄ gobi yansur̀ru s̀. <sup>9</sup> U nee bu salubata dokeo adama bu ku yaberu yiruse sua.

<sup>10</sup> Ma u bu s̄wa u nee, ò n wuu gagu dua, i koowo yenu teun s̀bu sere i ka wuu ge yari. <sup>11</sup> B̄a kun b̄e dam koosie gam, ma ba kun b̄en gari swaa daki, ò n dooǹ i b̄en naasun tua bu kpareo. Yeniwa n ko n s̄a seeda ye ya bu taare w̄em̀.

<sup>12</sup> Yera bw̄a be, ba doona, ba waasu m̀ ba gerum̀ t̄mbu bu ben ḡrusu ḡsio toranun di. <sup>13</sup> Ma ba w̄eku dabinu giram̀, ba maa bar̀ dabinu gum t̄rem̀ ba bu bekiam̀.

*Yohanu Batemu kowon g̀*  
(*I maa m̄erio Mateu 14:1-12, Luku 9:7-9*)



<sup>14</sup> N wee, sunə Herodu u nua ye gəro be, ba kua, domi Yesun yīsira yara. Ma ba nεε, Yohanu Batemu kowowa seewa gərin di. Yen sōna u dam mə u ka maamaaki m̀.

<sup>15</sup> Gaba nεε, Eliwa.

Ma gaba maa nεε, u s̄awa Gusunən s̄əmə nge win s̄əmə yerukobu.

<sup>16</sup> Adama ye Herodu u ye nua, u nεε, Yohanuwa w̄in wiru u dera ba bura, wiya u seewa gərin di.

<sup>17-19</sup> N deema Herodu wi, u raa win w̄ənə Filipun kurə Herodia sua kurə, ma Yohanu u n̄n s̄ōwa ma n̄n ka n̄n weenε u win w̄ənən kurə yenu doke. Yen s̄ona Herodia u Yohanun m̄ru neni, u k̄i u n̄n go ma u kpana. Adama Herodu u dera ba Yohanu mwa ba p̄irisəm doke u ka Herodian ḡru yemiasia. <sup>20</sup> Domi Herodu u Yohanun beere yē. U yē ma Yohanu s̄a tən geo w̄in w̄aru ta deere, ma u n̄n berua u ku wahala wa. U ra k̄a u Yohanun gari swaa daki baa mε gari yi u ra n̄, yi ra win laakari seeye.

<sup>21</sup> D̄oma te Herodu u dim bakam kua u ka win maru t̄ru yaaya, u t̄nwerobu ka tabu wirugibu ka Galilen gobigibu soka. D̄oma teya sanam Herodia naawa. <sup>22</sup> Ye win bii tən kurə yaabu dua u yawa, n Herodu ka win s̄abu dore. Ma Herodu u w̄andia wi s̄ōwa u nεε, a man bikio ye a k̄i, kon nun ye k̄ē. <sup>23</sup> Yen biru u gerua ka b̄ri u nεε, ye a bikia kpuro kon nun k̄ē, baa n̄n n̄n tem b̄nun na.

<sup>24</sup> Ma w̄andia wi, u yara u da u win mero bikia mba n weenε u sunə bikia.

Ma mero u n̄n s̄ōwa u nεε, u Yohanu Batemu kowon wiru bikio.

<sup>25</sup> Yande w̄andia wi, u wura ka sendaru sunən mi, ma u n̄n s̄ōwa u nεε, na k̄i a man Yohanu Batemu kowon wiru k̄ē t̄n t̄ē perenti s̄ə.

<sup>26</sup> Baa mε sunə win nukura sankira gem gem, ka mε, win b̄ri ka win s̄bun s̄, u n̄ k̄i u n̄n yinari. <sup>27</sup> Ma u win kiruku turo ḡra ka wooda u ka Yohanu Batemu kowon

wiru na. Ma kiruku u da u Yohanun wiru bura pirisəm dirə, <sup>28</sup> ma u ka wii te na pɛrɛnti sɔɔ u wəndia wi wē, ma wəndia maa sua u win mero wē. <sup>29</sup> Ye Yohanun bwāaba gari yi nua, ba da ba win goru sua ba sikua.

*Yesu u tɔmbu nɔrɔbun*

*suba nɔɔbu diisia*

(*I maa mɛɛrio Mateu 14:13-21, Luku 9:10-17, Yohanu 6:1-14*)

<sup>30</sup> Gɔro be, ba wurama Yesun mi, ma ba nùn saaria kpuro ye ba kua, ka yèn keu ba sɔɔsi. <sup>31</sup> Ma tɔn dabira naamɔ ben mi ta wemɔ sere wi ka win bwāaba fɛɛ bia bu di. Yen sɔna u bu sɔwa u nɛɛ, i na su tii kara su da gbaburu gia i wɛra fiiko.

<sup>32</sup> Ma ba goo nimkuu dua ba doona gbaburu gia, wi ka win bwāabu. <sup>33</sup> Adama tɔn dabira wa ba doonɔ, ma ba bu tuba. Yen sɔna tɔmba gbia ba duki da wusu kpuron di mi Yesu ka win bwāaba dɔɔ.

<sup>34</sup> Ye Yesu u yara goon di u tɔn wɔru guna wa, ma u yen wɔnwɔndu wa yèn sɔ ba sɔa nge yāanu ni nu kun kparo mɔ. Ma u bu gāa dabinu keu sɔɔsim wəri. <sup>35</sup> Ye sɔɔ yāara win bwāaba nùn susi ba nɛɛ, yam mi gbabura, sɔɔ wee maa yāara. <sup>36</sup> A de tɔn be, bu da baru kpaanɔ ka wuu si su wāa turuku bu dwe ye ba koo di.

<sup>37</sup> Adama u bu sɔɔwa u nɛɛ, i bu dīanu wɛɛyɔ bɛɛn tii.

Ba nùn bikia ba nɛɛ, a kī su sɔɔ goobun (200) sɔmburun gobi sua su da su ka pɛɛ dwe kpa su bu wē bu di?

<sup>38</sup> Ma Yesu u bu bikia u nɛɛ, pɛɛ nyewa i mɔ. I doo i wa.

Ye ba wa ba nɛɛ, pɛɛ nɔɔbuwa ka maa swɛɛ yiru.

<sup>39</sup> Ma u win bwāabu yiire bu tɔn be sinasia wuu wuuka yaka bekusu sɔɔ. <sup>40</sup> Ma ba sina wuu wuuka gam wunɔbu (100), gam weeraakuru. <sup>41</sup> Yera Yesu u pɛɛ nɔɔbu ye sua ka swɛɛ yiru ye, ma u win nɔni sua wɔllɔ u Gusunɔ siara. Ma u pɛɛ ye murura u win bwāabu wɛɛmɔ bu tɔn be yabua.

U maa swēɛ yi bɔnu kua tɔmbu kpuro bu ka wa. <sup>42</sup> Ma be kpuro ba di ba deba. <sup>43</sup> Ma win bwāaba p̄ɛ ka swēɛn sukum gura ye tɔmba di n tiara ma n yiba birenu wəkura yiru sɔɔ. <sup>44</sup> Be ba p̄ɛ ye di sɔɔ, tɔn durɔbun geera tura nɔrɔbun suba nɔɔbu (5.000).

*Yesu u s̄imɔ nim wɔllo*

*(I maa m̄ɛrio Mateu 14:22-33, Yohanu 6:15-21)*

<sup>45</sup> Ye ba kpa yande, Yesu u win bwāabu s̄ɔwa bu goo nimkuu duo bu n̄n gbiiya guru giɔ Besaida gia kpa win tii u n tɔn be yarinasiama. <sup>46</sup> Ye u tɔn be nɔɔ kana u kpa, u doona guurun bera gia u ka kanaru ko. <sup>47</sup> Sanam m̄ɛ yam t̄ira bwāa be, ba wāa goo nimkuu sɔɔ daa burerun suunuɔ, ma Yesu tia wi turo guruɔ. <sup>48</sup> U wa ma ben s̄ɛsɛra kun maa nim muramɔ ȳɛn s̄ɔ woo damguu ga ka bu yinnamɔ. Sanam m̄ɛ yam s̄aram dɔɔ, ma u bu turuku kooma u s̄imɔ nim wɔllo u k̄i u bu gbiiri. <sup>49</sup> Adama ye ba n̄n wa u s̄imɔ nim wɔllo ba tamaa siiniwa, ma ba nɔɔgiru sua, <sup>50</sup> domi be kpuro ba n̄n waamɔ ma ba nanda. Ma yande Yesu ka bu gari kua u n̄ɛ, n̄ɛna, i de b̄ɛɛn laakari yu wurama, i ku nanda.

<sup>51</sup> Ma u dua ben goo sɔɔ ma woo ga mari. Yera biti bu mwa n banda, <sup>52</sup> domi p̄ɛ yɛn s̄ɔm maamaakigira kun bu yeeri ben laakari sarirun s̄ɔ.

*Yesu u barɔbu bekia Genesaretin temɔ*

*(I maa m̄ɛrio Mateu 14:34-36)*

<sup>53</sup> Sanam m̄ɛ ba tɔbura ba kpa, ba tura Genesaretin temɔ, ma ba gooru girari. <sup>54</sup> Ye ba yara goon di, migum migum tɔmba Yesu tuba. <sup>55</sup> Yera tem m̄ɛn tɔmbu kpuro ba duki daamɔ ma ba ka ben barɔbu naamɔ baama kpuron di Yesun mi, mi ba gesi nua u wāa. <sup>56</sup> Yam kpuro mi Yesu u da, baru kpaanɔ ka wuu marosɔ ka gberu kpaanɛba sɔɔ ba ra ka barɔbu n̄wa ben yaaraɔ kpa bu n̄n kana u de

bu gesi win yaberun swaa bua baba. Be ba maa ye baba kpuro ba bekura.

## 7

*Sikadoban deema*

*(I maa mæerio Mateu 15:1-9)*

<sup>1</sup> N wee, Falisiba ka wooda yẽrobu gabu be ba na Yerusalemun di, ba menna Yesun mi. <sup>2</sup> Ba wa win bwãabu gabu ba dimɔ ka nɔm gbeba, ba ñ niε.

<sup>3</sup> N deema Falisiba ka maa Yuuba be ba tie ba ben sikadoban deema swii. Bà kun niε wasa wasa ba ku ra gãanu di. <sup>4</sup> Meya maa, bà n yara ba wurama tɔwɔn di, bà kun wobura ba ku ra di. Gãa dabina ba ra maa ko ni nu sãa ben deema nge nɔrin teabu, ka wekenu, ka maa gbẽa ye ba kua ka sii gandu.

<sup>5</sup> Yen sɔna Falisiba ka wooda yẽrobu ba Yesu bikia ba nεε, mban sɔna wunen bwãaba ku ra sikadoban deema swii. Mban sɔna ba ra di ka nɔm gbeba.

<sup>6</sup> Ma Yesu u bu wisa u nεε, Esai u raa Gusunɔn gari gerua sãa sãa bæε murafitiban sɔ sanam mε u yorua, “Gusunɔ u nεε, bwese teni ta man bæεε wẽεmɔ ka nɔɔ. Adama ten gɔru ga ka man toma.

<sup>7</sup> Kama ta man sãamɔ.

Domi tɔmbun woodawa ya kua ben sɔsiru.”

<sup>8</sup> Ma Yesu u nεε, i Gusunɔn wooda derimɔ, ma i tɔmbun komanu swii.

<sup>9</sup> U maa bu sɔwa u nεε, anna a bwisi wa, ma i Gusunɔn wooda yina ma i bæen deema swii. <sup>10</sup> Domi Mɔwisi u gerua u nεε, “A wunen tundo ka wunen mero bæεε wẽεyɔ.” Ma u kpam nεε, “Wi u win tundo ñ kun mε win mero kɔsa gerusi, ba koo yẽro gowa.” <sup>11</sup> Adama bæε i gerumɔ ma goo ù n win tundo ñ kun mε win mero sɔwa u nεε, win dukia ye u koo kpĩ u ka nùn somi, koobaniwa, yen tubusiana ya kua Gusunɔgia, <sup>12</sup> n ñ maa weene yẽro wi, u win tundo

ñ kun me win mero somi. <sup>13</sup> Nge meya i Gusunon gari tæsimə ma i been deema swii ye ba beɛ deria. I maa gāa dabinu ganu m̀d̀ ni nu ka ye weene.

*Ye ya tōnu m̀d̀ disigii*

*(I maa mæerio Mateu 15:10-20)*

<sup>14</sup> Ma Yesu u kpam tən wəru soka win mi, ma u bu sɔɔwa u nɛɛ, i man swaa dakio beɛ kpuro i nɔ. <sup>15</sup> Gāa tɔɔkinu sari ni nu dumə tōnu sɔɔ ni nu koo kpī nu ǹn ko disigii. Adama gāa ni nu yarimə tōnu sɔɔn di, niya nu ǹn m̀d̀ disigii. [ <sup>16</sup> Goo ù n swaa m̀d̀ u ka nɔ, u nɔwɔ.]

<sup>17</sup> Sanam me u tən wəru guna ye deri u dua yenuə, win bwāaba ǹn mən ten tubusianu bikia. <sup>18</sup> U bu sɔɔwa u nɛɛ, beɛn tii i maa sã bwisi sarirugibu? I ñ tuba ma gāa tɔɔkinu ni nu dumə tōnu sɔɔ nu ñ kpē nu ǹn ko disigii?

<sup>19</sup> Domi dīanu kun dumə win gōru sɔɔ ma n kun m̀d̀ win nukurɔ, kpa nu kam ko.

Nge meya Yesu u bu sɔɔsimə ma dīanu kpurowa nu deere.

<sup>20-21</sup> Ma u nɛɛ, gāa ni nu yarimə tənun gōrun di niya nu ǹn m̀d̀ disigii. Niya bwisiku kōsunu ka kōɔ mennabu tantanaru sɔɔ ka gbena ka tən goobu (200) <sup>22</sup> ka sakararu ka kɔde ka nuku kōsuru ka taki ka kom bereteke ka nɔnu ka tən sankubu ka tii suabu ka atafiiru. <sup>23</sup> Gāa kōsu ni kpuro nu yariməwa tōnu sɔɔn di ma nu yēro m̀d̀ disigii.

*Kurɔ sɔɔ goo u Yesu naane doke*

*(I maa mæerio Mateu 15:21-28)*

<sup>24</sup> Ma Yesu u swaa wəri u doona Tirin tem gia. U dua yenu gagu sɔɔ, u ñ kī goo u n yē adama u ñ kpīa u kuke.

<sup>25</sup> Ma kurɔ goo win bii tən kurɔ sã werekunugii, u nua ba Yesun gari m̀d̀, ma u na u kpuna win wuswaa. <sup>26</sup> Kurɔ wi, u sãawa Gereki wi ba mara Fenisio, Sirin tem sɔɔ. U Yesu kanamə u ǹn win biin wereku gira. <sup>27</sup> Adama Yesu ǹn

sɔɔwa u nɛɛ, n weene bu gina bibu dīanu wē, domi n ñ wā bu bibun dīanu sua bu bōnu kɔɔwa.

<sup>28</sup> Ma u Yesu wisa u nɛɛ, mɛya Yinni, adama baa bɔɔ binu nu ra bibun dīa buri dɔbiri tabulun kɔkɔrɔ.

<sup>29</sup> Yesu u nùn sɔɔwa u nɛɛ, wisi bin sɔ, a wio. Wɛrɛku ge, ga wunen bii doonari.

<sup>30</sup> Ye u tura yenuɔ u deema bii wi, u kpī kpin yerɔ, wɛrɛku ge, ga nùn doonari.

*Yesu u durɔ* soso goo bekia

<sup>31</sup> Yen biru Yesu u gɔsirama Tirin tem di u dɔɔ Galilen daa bureru gia. Nge mɛ u dɔɔ u Sidonin tem ka tem mɛ ba mɔ Wusu wɔkuru bukiana. <sup>32</sup> Yera gaba ka soso goo na win mi, wi u ku ra kpī u gari ko sã sã. Ma ba Yesu kana u nùn nɔma sɔndi u bekia. <sup>33</sup> U ka nùn da bee tia mi n ka tɔn wɔru toma, ma u win niki binu doke soso win swasu sɔɔ. Ma u yãatam sia u ka win yara baba. <sup>34</sup> Ma Yesu u nɔni sua wɔllɔ, u wom mwɛ, ma u nɛɛ, Efata, yen tubusiana swasu su wukiara.

<sup>35</sup> Mii mii ma durɔ win swasu wukiara, win yara denda, ma u gari kobu wɔri dee dee. <sup>36</sup> Yesu bu yiire bu ku raa goo sɔ adama nge mɛ u bu sɔɔmɔ kpeetim sari, mɛya ba maa gerumɔ kpeetim sari. <sup>37</sup> Ma biti baka bu mwa n banda ma ba gerumɔ ba mɔ, ye u mɔ kpuro gãa burana. U mam derimɔ sosoba gari nɔɔmɔ. Be ba ku ra raa maa gere, ba gerumɔ.

## 8

*Yesu u tɔmbu nɔrɔbun*

*suba* nne diisia

(*I* maa mɛerio Mateu 15:32-39)

<sup>1</sup> Sanam dɔɔ sanam wee, tɔn wɔru guna ya kpam menna win mi. N deema ba ñ mɔ ye ba koo di. Yera Yesu u win bwãabu soka u nɛɛ, <sup>2</sup> tɔn wɔru gen wɔnwɔnda man

mò domi yen sɔɔ ita wee mìn di ba ka man wãa. Ba ñ maa gãanu mɔ ni ba koo di. <sup>3</sup> Nà n maa nɛɛ bu wio, ba kun gãanu di ba koo wɔruku swaa sɔɔ, domi mìn di ben gaba na, n toma.

<sup>4</sup> Ma win bwãaba nùn bikia ba nɛɛ, mana sa ko pɛɛ wa gbabu teni sɔɔ ye ya koo tɔn beni debia.

<sup>5</sup> Yesu bu bikia u nɛɛ, pɛɛ nyewa i mɔ.

Ma ba nɛɛ, nɔɔba yiru.

<sup>6</sup> Yera u tɔn wɔru ge sɔɔwa gu sinɔ temɔ. Ma u pɛɛ nɔɔba yiru ye sua, u Gusunɔ siara, ma u ye murura u win bwãabu wɛ bu tɔn be yabua. Ma ba ye tɔn wɔru ge bɔnu kua. <sup>7</sup> Ba maa swɛɛ piiminu ganu mɔ. Ma Yesu u Gusunɔ siara nin sɔ, ma u win bwãabu sɔɔwa bu maa ni tɔn be yabuo. <sup>8</sup> Ba di ba deba. Ma bwãaba sukum mɛ n tie gura ma n yiba birenu nɔɔba yiru sɔɔ. <sup>9</sup> Tɔn ben geera tura nge nɔrɔbun suba nɛɛ (4.000). Yen biru Yesu u bu yarinasia. <sup>10</sup> Mii mii wi ka win bwãabu ba goo nimkuu dua ba da tem gam gia mɛ ba ra soku Damanuta.

*Falisiba ba yĩreru bikiamɔ*

*(I maa mɛɛrio Mateu 16:1-4)*

<sup>11</sup> Miya Falisi gaba na Yesun mi, ma ba ka nùn sikirinɔ wɔri. Ba nùn bikia u bu sɔɔsi ka yĩreru ma win dam weewa wɔllun di. Ba gerua mɛ bu ka win laakari mɛɛri. <sup>12</sup> Yera u wom mwe ma u bu bikia u nɛɛ, mban sɔna tɛn tɔn beni ba yĩreru bikiamɔ. Ka geema, na bɛɛ sɔɔmɔ, yĩreru garu sari te ba koo bu sɔɔsi.

<sup>13</sup> Ma u bu deri, u kpam goo nimkuu dua u ka tɔbura guru giɔ.

*Falisiban pɛɛ seeyatia ka Herodugia*

*(I maa mɛɛrio Mateu 16:5-12)*

<sup>14</sup> Bwãa be, ba duari bu pɛɛ kusenu ko. Tia tɔnawa ba mɔ goo nimkuu sɔɔ. <sup>15</sup> Yesu bu yiire u nɛɛ, i bɛɛn tii

laakari koowo kpa i n Falisiban p̄ɛ seeyatia geri ka maa Herodugia.

<sup>16</sup> Ma ba gerunamɔ ben tii tiine sɔɔ ba nɛɛ, yèn s̄ɔ ba ñ p̄ɛ mɔ yen s̄ɔna u gerua mɛ.

<sup>17</sup> Yesu u tuba ye ba gerunamɔ ma u nɛɛ, mban s̄ɔna i gerumɔ i nɛɛ, yèn s̄ɔ i ñ p̄ɛ mɔ yen s̄ɔna. I ñ gie? N ñ bɛɛ yeeri gina? Bɛɛ swaa taoba rɔ? <sup>18</sup> I ñ nɔni mɔ rɔ? I ku ra yam wa? I ñ swasu mɔ? I ku ra gari nɔ? I ñ yaaye <sup>19</sup> dɔma te na p̄ɛ nɔɔbu murura tɔmbu nɔɔɔbun suba nɔɔɔbun (5.000) s̄ɔ? Birenu nye sɔɔra i gure ye ba di n tia.

Ba nùn wisa ba nɛɛ, wɔkura yiru.

<sup>20</sup> Yesu u kparam bu bikia u nɛɛ, ye na p̄ɛ nɔɔba yiru murura tɔmbu nɔɔɔbun suba nɛɛn (4.000) s̄ɔ, birenu nye sɔɔra i gure ye ba di n tia.

Ba nɛɛ, nɔɔba yiru.

<sup>21</sup> Ma u nɛɛ, n ñ bɛɛ yeeri ka t̄ɛ?

*Yesu u w̄ko bekia Besaidɔ*

<sup>22</sup> Sanam mɛ ba tura wuu ge ba ra soku Besaidɔ, tɔmbu gaba ka w̄ko goo na Yesun mi ma ba nùn kana u nùn baba. <sup>23</sup> U w̄ko win nɔma nenua u ka da wuun biruɔ. Yen biru u ȳatam sie win nɔniɔ ma u yi nɔma s̄ɔndi u nɛɛ, a ḡaanu waamɔ?

<sup>24</sup> Durɔ wi, u nɔni wukia u nɛɛ, na tɔmbu waamɔ. Ba ka d̄anu weene ba s̄imɔ.

<sup>25</sup> Ma Yesu kparam win nɔma s̄ɔndi w̄ko win nɔni w̄llo. Ye u ȳatem nɔni girari, u bekura ma u kpuro waamɔ s̄aa s̄aa. <sup>26</sup> Yesu nùn s̄ɔwa u wio, u ku maa wura wuu nukurɔ.

*Piɛɛ nɛɛ Yesu u s̄awa wi Gusunɔ u gɔsa*

*(I maa mɛerio Mateu 16:13-20, Luku 9:18-21)*

<sup>27</sup> Sanam meya Yesu u doona ka win bw̄abu Sesareɔ, Filipin tem gia. Ma swaa sɔɔ u win bw̄abu bikia u nɛɛ, na nɛɛ ya? Wara tɔmba gerumɔ na s̄aa.



<sup>28</sup> Ba nɛɛ, gaba gerumɔ Yohanu Batemu kowowa, gaba maa gerumɔ Eliwa, ma gaba kpam gerumɔ a sãawa Gusunɔn sɔmɔbun turo. <sup>29</sup> Ma u bu bikia u nɛɛ, to, bɛɛ maa ni, amɔna bɛɛn tii i gerumɔ.

Piɛɛ nùn wisa u nɛɛ, a sãawa Kirisi wi.

<sup>30</sup> Yera Yesu u bu gerusi u nɛɛ, bu ku raa ye goo sã.

*Yesu u win* gɔɔ ka win seebun gari mɔ

(*I maa mɛɛrio Mateu 16:21-28, Luku 9:22-27*)

<sup>31</sup> Ma u bwãa be sãɔbu wɔri u nɛɛ, Tɔnɔn Bii u n̄ koo ko u kun nɔni swãa bakaru wa kpa guro gurobu ka yãku kowo tɔnwerobu ka wooda yẽrobu bu nùn yina kpa bu nùn go, adama u koo se gɔrin di sãɔ itase.

<sup>32</sup> U gari yi geruawa kpasasa. Yera Piɛɛ ka nùn da bɔkuɔ ma u nùn gerusibu wɔri. <sup>33</sup> Adama Yesu sãira u win bwãabu mɛɛra ma u Piɛɛ gerusi u nɛɛ, a desiro nen birun di Setam, domi wunen bwisikunu kun sãa Gusunɔginu, nu sãawa tɔnuginu.

<sup>34</sup> Yen biru Yesu u tɔn wɔru soka ka win bwãabu sannu, ma u nɛɛ, goo ù n kĩ u nen yira swii nge bɔɔ, u win gɔru kĩru derio kpa u win tiin dãa bunanaru sua kpa u man swii. <sup>35</sup> Domi baawure wi u kĩ u win wãaru di ka win gɔru kĩru, u koo tu bia. Adama baawure wi u win wãaru yina nen sã ka nen Labaari gean sã, wiya u koo tu wa ka gem. <sup>36</sup> Arufaani yerà tɔnu u mɔ, baa ù n handunian gãanu kpuro wa, ma u win wãaru bia. <sup>37</sup> Mba tɔnu u koo ka win wãaru kɔsina. <sup>38</sup> N̄ n mɛn na, baawure wi u nen sekuru mɔ ka maa nen gari tɛn tɔn kɔsobun suunu sɔɔ, be ba n̄ ka Gusunɔ turo yã, Tɔnɔn Bii u koo win sekuru ko ù n wurama win Baaban yiiko sɔɔ ka Gusunɔn gɔrado dɛerobu sannu.

## 9

<sup>1</sup> U kpam bu sɔ̄wa u nɛɛ, ka geema na bɛɛ sɔ̄mɔ gabu be ba yɔ̄ mini, ba koo wa Gusunɔ̄ u bandu swii ka ten yiiko bu sere gbi.

*Yesun wasi gɔsia*

*(I maa mɛɛrio Mateu 17:1-13, Luku 9:28-36)*

<sup>2</sup> Sɔ̄ nɔ̄ba tian biru, Yesu u ka Piɛɛ ka Yakɔbu ka Yohanu da bee tia, ma u bu kpaa u ka da guu bakaru garun wɔllɔ be tɔna. Nge mɛ ba nɔ̄n mɛɛra ba wa win wasi gɔsia tuki. <sup>3</sup> Win yānu maa ballimɔ gem gem ma nu burura fem fem. Goo sari handunia mi, wi u koo kpī u bekuru tea tu burura nge mɛn bweseru. <sup>4</sup> Yen biru Eli ka Mɔwisi ba bu kurema ba ka Yesu gari mɔ. <sup>5</sup> Ma Piɛɛ u Yesu sɔ̄wa u nɛɛ, Yinni, n wā sa n wāa mini. A de su kunu ita ko, teeru wunɛgiri, teeru Mɔwisigiri, teeru maa Eligiri.

<sup>6</sup> U yeni gerua yɛn sɔ̄ u ñ yɛ ye u koo gere, domi ba nanda gem gem. <sup>7</sup> Ma guru wira na ta bu wukiri, ma ba nɔ̄ gagu nua guru wii ten min di ga nɛɛ, winiwa nen Bii kīnasi, i wigii swaa dakio.

<sup>8</sup> Mii mii ye bwāa be, ba mɛɛra ba ka sikerena, ba ñ maa goo wa ma n kun mɔ Yesu turo ka be.

<sup>9</sup> Nge mɛ ba sarɔ guurun di, Yesu u bu yiire bu ku goo sɔ̄ ye ba wa sere Tɔnun Bii u ka se saa gɔrin di.

<sup>10</sup> Ba kua ye u bu yiire adama ba bikianamɔ ben tii tiine sɔ̄ ba nɛɛ, mba seebu gɔrin din tubusianu.

<sup>11</sup> Ma ba nɔ̄n bikia ba nɛɛ, mban sɔ̄na wooda yɛroba gerumɔ ma Eliwa koo gbi u na.

<sup>12</sup> U bu wisa u nɛɛ, mɛya Eliwa koo gbi u na u baayere kpuro wesia nge mɛ ya raa sãa. Ñ n mɛn na, mban sɔ̄na Gusunɔ̄n gari maa Tɔnun Biin gari gerumɔ yi nɛɛ, u ñ koo ko u kun nɔ̄ni sɔ̄re gem gem, kpa bu nɔ̄n gem. <sup>13</sup> Adama na bɛɛ sɔ̄mɔ, Eli u na kɔ ma ba nɔ̄n kua nge mɛ ba kī, nge mɛ Gusunɔ̄n gari yi win gari gerumɔ.

*Yesu u bii wi wɛrɛku ga wãasi bekia*

*(I maa mɛɛrio Mateu 17:14-21, Luku 9:37-43a)*

<sup>14</sup> Sanam mɛ ba wurama bwãa be ba tien mi, ba tɔn wɔru wa ga bu sikerɛɛ, ma wooda yɛroba ka bu sikirinamɔ. <sup>15</sup> Ye tɔn be kpuro ba Yesu wa, ba biti soora too too, ma ba duki daamɔ win mi bu ka nùn tɔbiri. <sup>16</sup> Ma u win bwãabu bikia u nɛɛ, mban sikirinɔwa i mɔ bɛɛ ka be.

<sup>17</sup> Tɔn wɔru ge sɔɔn di goo u nùn wisa u nɛɛ, yinni, na ka nun nɛn bii naawawa yèn sɔ u wɛrɛku mɔ ge ga yinamɔ u gari gere. <sup>18</sup> Baama mi ga nùn seeri ga ra nùn surewa temɔ, kpa u yãatam pɔkeru yari u n donnu temmɔ kpa u bemi. Na maa wunen bwãabu kana bu gu gira adama ba kpana.

<sup>19</sup> Ma Yesu u bu wisa u nɛɛ, bɛɛ tɔn naanɛ doke sarirugibu, sere saa yerà ko na n ka bɛɛ wãa. Sere domma ko na n ka bɛɛ temanɛ. I ka man bii wi naawa mini.

<sup>20</sup> Ma ba ka nùn da win mi. Ye wɛrɛku ge, ga Yesu wa, yande, ga bii wi sura temɔ ka dam u bindimɔ ma u yãatam pɔkeru yarimɔ. <sup>21</sup> Yesu bii win baa bikia u nɛɛ, saa domman diya yeni ya nùn deema.

Ma u nɛɛ, saa win birun diya. <sup>22</sup> Kiri kiri ga ra nùn sure dɔɔ sɔɔ, ñ kun mɛ nim sɔɔ, kpa ga n kī gu nùn kam koosia. Adama à n kaa kpī a gãanu ko, a besen wɔnwɔndu waawo, kpa a sun faaba ko.

<sup>23</sup> Ma Yesu u nùn sɔɔwa u nɛɛ, a nɛɛ, nà n kon kpī ro! Wi u naanɛ doke, kpuro n koo nùn koora.

<sup>24</sup> Ma bii win baa u nɔɔgiri sua u nɛɛ, na naanɛ doke, a man somiɔ kpa nɛn naanɛ dokebu bu sosi.

<sup>25</sup> Ye Yesu wa ma tɔn wɔru ga duki naamɔ ga mennamɔ u wɛrɛku ge gerusi u nɛɛ, wɛrɛku wunɛ, wunɛ wi a ra tɔnu ko soso kpa u kpana u gari gere, a bii wi doonario, a ku ra maa wurame win mi.

<sup>26</sup> Yera ga bii wi sura ka dam, ma ga kuuki m̀ ga ka doonə. Ma bii wi, u kua nge goru sere tən dabira m̀, u guwa. <sup>27</sup> Adama Yesu u win n̄mu n̄nua u seeya, ma u ȳra.

<sup>28</sup> Sanam m̄ Yesu u dua ȳnuə tən tuko goo kun maa ka bu w̄a, win bw̄aba n̄n bikia ba n̄e, mban s̄na be, ba kpana bu w̄ereku ge gira.

<sup>29</sup> Ma u bu s̄owa u n̄e, w̄ereku genin bwesera ku ra doon̄e ma n̄ kun m̄ ka kanaru.

*Yesu u k̄pam win ḡə*

*ka win seebun gari m̀*

*(I maa m̄erio Mateu 17:22-23, Luku 9:43b-45)*

<sup>30</sup> Yen biru ba doona min di, ma ba Galilen tem bukiana. N deema u n̄ k̄i goo u n̄ ȳ mi u w̄a, <sup>31</sup> domi u win bw̄abu s̄əmə u m̀, ba koo T̄n̄un Bii t̄mbu n̄mu s̄əndia bu n̄n go, adama s̄ə itase u koo se ḡrin di.

<sup>32</sup> Ye u gerua mi, ya n̄ bu yeeri. Ma ba b̄erum m̀ bu ka n̄n yen tubusianu bikia.

*Wara gisonkoru bo*

*(I maa m̄erio Mateu 18:1-5, Luku 9:46-48)*

<sup>33</sup> Ma ba tura Kapenam̄ə. Saa ye u w̄a ȳnuə u bu bikia u n̄e, mba ba sikirinem̄ə swaa s̄ə.

<sup>34</sup> Adama ba mari s̄ə ȳn̄ s̄ə swaa s̄ə ba sikirinam̄əwa ba n̄ ka ȳ ben suunu s̄ə wi u bo. <sup>35</sup> Ma u sina u w̄kura yiru ye soka u bu s̄əwa u n̄e, goo ù n̄ k̄i u ko be k̄puron wirugii, u koowo be k̄puron biruko ka be k̄puron s̄əmə.

<sup>36</sup> Yera u bii piibu gagu n̄mu n̄nua u ka na ben suunu s̄ə. U n̄n sua ma u bu s̄əwa u n̄e, <sup>37</sup> baawure wi u bii winin bweseru wura n̄n ȳsirun s̄ə, n̄na u wura. Baawure wi u maa man wura, n̄ n̄ n̄e turo u wura, u maa wi u man ḡrima wurawa.

*Wi u kun ka sun yibere tɛru neni, besɛgiwa*  
(*I maa mɛerio Luku 9:49-50*)

<sup>38</sup> Yohanu nùn sɔ̄wa u nɛɛ, Yinni sa goo wa u wɛɛkunu giramɔ ka wunen yĩsiru, ma sa nùn yinari yèn sɔ̄ u n̄ nun swĩ ka bese sannu.

<sup>39</sup> Adama Yesu u nɛɛ, i ku yẽro yinari, domi goo sari wi u koo maamaaki ko ka nen yĩsiru, ù n kpa u n yande nen kɔ̄sa gerumɔ. <sup>40</sup> Domi wi u kun ka sun yibere tɛru neni besɛgiwa. <sup>41</sup> Ka geema, na bɛɛ sɔ̄mɔ, baawure wi u bɛɛ nim kã i nɔra yèn sɔ̄ i sãa Kirisigibu yẽro u koo win are wa.

*Torarun baberu*  
(*I maa mɛerio Mateu 18:6-9, Luku 17:1-2*)

<sup>42</sup> Adama baawure wi u bii piimii ni nu man naane doke min teu torasia, n sanɔ bu nùn nɛru gbiniisia win wĩrɔ, kpa bu nùn kpɛɛ nim wɔ̄ku sɔ̄. <sup>43-46</sup> Ñ n men na, wunen nɔmu n̄ kun mɛ wunen nɔ̄ teu ḡa n̄ nun torasia a gu buro. N sanɔ bɔ a ka nɔm teu n̄ kun mɛ naa teesu wãaru wa te ta ku ra kpe, n kere a n nɔma yiru ka naasu yiru mɔ kpa bu nun kpɛɛ dɔ̄ sɔ̄ [mi kɔkɔ ni nu ko n ben wasi dimɔ nu n̄ gbimɔ, ka mi dɔ̄ kun gbimɔ.] <sup>47</sup> Ñ n maa wunen nɔnun na, ga nun torasia a gu wɔwo. N sanɔ a n nɔnu teu mɔ a ka da mi Gusunɔ u bandu swĩ ka sere a n nɔni yiru mɔ kpa bu nun kpɛɛ dɔ̄ sɔ̄, <sup>48</sup> mi kɔkɔ ni nu ko n ben wasi dimɔ nu n̄ gbimɔ ka mi dɔ̄ kun gbimɔ. <sup>49</sup> Domi ba koo baawure dɔ̄ wisi nge mɛ ba ra bɔru yɛke dīanu wɔ̄lɔ.

<sup>50</sup> Bɔru \* gãa geena, adama bɔru tà n nɔ̄ gu, ka mba ba koo kpam tu dorasia. I n bɔru mɔ bɛɛn tii sɔ̄, kpa i n nɔ̄ nɛ bɛɛn tii tiine sɔ̄.

---

\* 9:50 bɔru - Bɔ̄ te ba ka yã mini ta ka bɔ̄ swãaru weene. Ta koo kpĩ tu nɔ̄ gbi.

## 10

*Yesu u yinanaan gari m̀*

*(I maa m̀erio Mateu 19:1-12, Luku 16:18)*

<sup>1</sup> Yen biru Yesu doona min di u da Yudean tem̀ ka Yuudenin gurù. T̀n ẁru guna kram menna win mi. Nge m̀ win d̀ne u kram bu Gusuǹn garin keu s̀sim̀.

<sup>2</sup> Falisi gaba na win mi bu ka win laakari m̀eri. Ba ǹn bikia ba ǹe, wooda ya koo wura t̀nu u win kur̀ yina?

<sup>3</sup> U bu wisa u ǹe, wooda yer̀ M̀wisi u b̀e ẁ.

<sup>4</sup> Ba ǹe, u ǹewa dur̀ u yinanaan tireru yore kpa u de win kur̀ u doona.

<sup>5</sup> Ma Yesu bu s̀wa u ǹe, b̀en woo b̀bunun s̀na M̀wisi u b̀e wooda ye yorua. <sup>6</sup> Adama sanam m̀ Gusuǹ u handunia taka kua u t̀mbu taka kuawa dur̀ ka kur̀. <sup>7</sup> Yen s̀na dur̀ u koo win tundo ka win mero deri kpa wi ka win kur̀ ba n maniǹ, <sup>8</sup> kpa be yiru kpuro bu ko wasi tee. Nge meya, ba ǹ maa s̀a t̀mbu yiru ma n kun m̀ t̀n turo. <sup>9</sup> Ǹ n men na, t̀nu u ku maa karana ye Gusuǹ u menna.

<sup>10</sup> Sanam m̀ Yesu ka win bw̃abu ba wura yenù, ba ǹn gari yin tubusianu bikia. <sup>11</sup> Ma u bu s̀wa u ǹe, baawure wi u win kur̀ yina ma u kpao sua, u sakararu kuawa. <sup>12</sup> Kur̀ goo ù n maa win dur̀ yina ma u kpao sua, sakarara u kua.

*Yesu u bibu kanaru kua*

*(I maa m̀erio Mateu 19:13-15, Luku 18:15-17)*

<sup>13</sup> Yera t̀mba ka bibu na win mi u ka bu baba. Adama win bw̃aba bu gerusi. <sup>14</sup> Ye Yesu wa ye ba m̀ u m̀ru bara, ma u bu s̀wa u ǹe, i bibu derio bu na nen mi, i ku bu yinari, domi Gusuǹ u bandu sw̃i t̀mbun s̀ be ba s̀a nge bibu. <sup>15</sup> Ka geema na b̀e s̀m̀, baawure wi u kun ban te Gusuǹ u sw̃i wure nge m̀ bii ỹkabu ga ra gen m̀w̃bu wure, u ǹ kp̃ u n s̀a ban tegii.

<sup>16</sup> Yera u bibu sua, u ben baawure noma sɔndi, ma u bu domaru kua.

*Gobigii goon gari*

*(I maa mɛerio Mateu 19:16-30, Luku 18:18-30)*

<sup>17</sup> N wee, ye Yesu u k pam swaa wɔri u doonɔ, durɔ goo duka da win mi u yiira win wuswaaɔ u nɛɛ, yinni, a sɔawa tɔn geo, mba kon ko n ka wɔaru te ta ku ra kpe wa.

<sup>18</sup> Ma Yesu nɔn bikia u nɛɛ, mban sɔna a man sokumɔ tɔn geo. Goo sari wi u sɔa geo, ma n kun Gusunɔ turo. <sup>19</sup> N n a wooda yɛ rɔ ye ya gerumɔ, “I ku tɔnu go. I ku sakararu ko. I ku gbeni. I ku goo gari mani. I ku goo taki di. I been tundo ka mero beere wɛɛyɔ.”

<sup>20</sup> Ma u nɛɛ, yinni, wooda yeni kpurowa na swii nen birun di.

<sup>21</sup> Yera Yesu u nɔn mɛera u nɔn kɔa ma u nɛɛ, gɔa teena nu nun tie. A doo a dɔra kpuro ye a mɔ kpa a yen gobi sɔarobu bɔnu kua. A n kua mɛ, kaa n dukia mɔ Gusunɔn mi. Yen biru kpa a na a man swii.

<sup>22</sup> Adama u mɔrua gari yinin sɔ, ma u doona ka nuku sankiranu domi dukia bakagiiwa.

<sup>23</sup> Yesu u yam mɛera u ka sikerena, ma u win bwɔabu sɔɔwa u nɛɛ, n sɛ gem gem dukiagii u ka ban te Gusunɔ u swii wura.

<sup>24</sup> Ma biti baka bwɔa be mwa win gari yin saabu. Yesu u k pam nɛɛ, bɔrɔba, n sɛ gem gem be ba ben naane doke dukia sɔɔ bu ka ban te Gusunɔ u swii wura. <sup>25</sup> Yen sɛsɔ ga kpɔ n kere yooyoo gu du yaburan wɛrɔ gu yari.

<sup>26</sup> Bwɔa be, ba biti soora ma ba bikianamɔ ba mɔ, n n men na, wara koo den faaba wa.

<sup>27</sup> Yesu bu mɛera tii, ma u nɛɛ, tɔmbun miya ya n koorɔ, adama Gusunɔn mi ya koo koorɔ, domi Gusunɔ u ku ra gɔanu ganu kpane.

<sup>28</sup> Ma Piɛɛ nɔn sɔɔwa u nɛɛ, n wee, sa kpuro deri sa nun swii.

<sup>29</sup> Yesu nɛɛ, ka geema na bɛɛ sɔ̄mɔ, goo ù n win kpaaru deri nɛn sɔ̄ ka Labaari gean sɔ̄, ù kun mɛ win maabu ka win wɔnɔbu ka win sesubu, ù kun mɛ win mero ka win tundo, ù kun mɛ win bibu, ù kun mɛ win gbea, <sup>30</sup> u koo kparam kpaanu wa wunɔm wunɔm tɛ saa yeni sɔ̄. U koo dinu wa, ka maabu ka wɔnɔbu ka sesubu ka mero bu ka bibu ka gbea, ka maa nɔni swāaru. Sia u koo maa wāaru te ta ku ra kpe wa. <sup>31</sup> Adama tɔn dabinu be ba tɛ sɔ̄a gbiikobu ba koo ra ko dāakobu, be ba maa tɛ sɔ̄a dāakobu, ba koo ra ko gbiikobu.

*Yesu u win* gɔɔ ka win seebun gari mɔ nɔn itase

(*I maa mɛɛrio Mateu 20:17-19, Luku 18:31-34*)

<sup>32</sup> Yesu u win bwāabu gbiiye ba swaa mɔ ba dɔɔ Yerusalemɔ. Biti win bwāabu mɔ, ma be ba bu swii ba nande. Ma Yesu kparam gera bee tia ka wəkura yiru ye, u bu sɔ̄ɔbu wari ye n koo nùn deema. <sup>33</sup> U nɛɛ, n wee, sa Yerusalemu dɔɔ mi ba koo Tɔnun Bii yāku kowo tɔnwerobu ka wooda yɛrobu nɔmu sɔ̄ndia. Ba koo nùn taare wɛ bu ka nùn go, kpa bu nùn tɔn tukobu nɔmu sɔ̄ndia. <sup>34</sup> Beya ba koo nùn yaakoru ko, bu nùn yāatam sie, bu nùn seni so. Yen biru kpa bu nùn go. Sɔ̄ɔ itase kpa u se garin di.

*Yakɔbu ka Yohanun bikiabu*

(*I maa mɛɛrio Mateu 20:20-28*)

<sup>35</sup> Yera Yakɔbu ka Yohanu, Sebeden bibu, ba susi Yesun bɔkuɔ ma ba nɛɛ, yinni sa kī a sun kua ye sa ko nun bikia.

<sup>36</sup> Ma u bu bikia, mba i kī n bɛɛ kua.

<sup>37</sup> Ba nùn sɔ̄ɔwa ba nɛɛ, a de su sina, turo wunen nɔm geuɔ turo maa wunen nɔm dwarɔ, wunen yiiko sɔ̄ɔ.

<sup>38</sup> Yesu u nɛɛ, i ù yɛ ye i bikiamɔ. I ko kpī i wahala sɔ̄be ye kon sɔ̄be? I ko batemu ye kpī yèn bweseru ba koo man ko?

<sup>39</sup> Ba nɛɛ, sa ko kpī.



Ma Yesu bu sɔɔwa u nɛɛ, geema, i ko wahala wa ye kon wa, ba koo maa nen batɛmun bweseru bɛɛ ko, <sup>40</sup> adama n n̄ nen baa n ka gɔsi be ba koo sina nen n̄m geuɔ ka nen n̄m dwarɔ. Tɔn b̄n s̄ aye ni, nu sɔɔru s̄a, beya ba koo nu wa.

<sup>41</sup> Ye bwāabu w̄ku te ta tie ta gari yi nua, ta ka Yakɔbu ka Yohanu m̄ru kua. <sup>42</sup> Ma Yesu u bu soka u nɛɛ, b̄ɛn tii i ȳ nge m̄ be tɔn tukoba ra garisi ben tem ȳrobu, ba ra n bu dam d̄remɔ kpa ben wirugibu ba n bu taare. <sup>43</sup> Adama n n̄ s̄a m̄ b̄ɛn mi. B̄ɛn goo ù n k̄i u ko wirugii b̄ɛn suunu s̄ɔ, u koowo b̄ɛn s̄mɔ. <sup>44</sup> M̄ya maa b̄ɛn wi u k̄i u ko gbiikoo, u koowo b̄ɛ kpuron yoo. <sup>45</sup> Domi baa Tɔnun Bii, u n̄ n̄ɛ bu ka n̄n s̄a, u nawa u ka gabu s̄a, kpa u gbi u ka tɔn dabinu yakia.

*Yesu u Baatime w̄ko wi b̄kia*  
(I maa m̄erio Mateu 20:29-34, Luku 18:35-43)

<sup>46</sup> Yera ba Yeriko dua. Sanam m̄ Yesu u yariɔ ka win bwāabu ka tɔn w̄ru guna sannu, bara kowo w̄ko goo wi ba ra soku Baatime, Timen bii, u s̄ swaa baarɔ. <sup>47</sup> Ye u nua ma Yesu Nasaretigiwa w̄a mi, u n̄ɔguru sua u m̄, Yesu, Dafidin sikadobu, a nen w̄n̄w̄ndu waawo.

<sup>48</sup> Ma tɔn dabira n̄n gerusimɔ, ba n̄n s̄ɔmɔ u mario. Adama u gb̄aramɔ too too u m̄, Dafidin sikadobu, a nen w̄n̄w̄ndu waawo.

<sup>49</sup> Yesu ȳra, ma u nɛɛ bu n̄n sokuma.

Ba w̄ko wi soka ba n̄n s̄ɔwa u ku mwia kpana, u seewo, Yesu u n̄n soku.

<sup>50</sup> W̄ko wi, u win ḡɔḡo kakia u k̄i u seewa fuuku, ma u na Yesun mi. <sup>51</sup> Ma Yesu u n̄n bikia u nɛɛ, mba a k̄i n nun kua.

Ma w̄ko wi, u n̄n s̄ɔwa u nɛɛ, yinni na k̄i n yam wawa.

<sup>52</sup> Ma Yesu u n̄n s̄ɔwa u nɛɛ, a doo, wunen naan̄ dokebu nun b̄kia.

Mii mii u yam wa, ma u Yesu sw̄i swaa yen min di.

## 11

*Yesu u Yerusalemu dua*

(*I maa mæerio Mateu 21:1-11, Luku 19:28-40, Yohanu 12:12-19*)

<sup>1</sup> Sanam mε ba Yerusalemu turuku kua Betefagi ka Betanin bōkuo, ba tura Olifin guuro. Yera Yesu u win bwāabu yiru gōra. <sup>2</sup> U bu sōwa u nεε, i doo baru kpaate i mæera bεen wuswaa mi. Ì n dua mi, i ko keteku buu wa ga sōri ge goo kun sōnire, i gu sōsiamā i ka na. <sup>3</sup> Goo ù n bεε bikia mban sōna i gu sōsiamō, i nεε, Yinniwa u gen bukata mō. Mii mii u koo de i ka gu na mini.

<sup>4</sup> Ma ba doona ba tura mi ba keteku buu ge wa ga sōri yenu kōnnōn gamboō swaa baarō. Ma ba gu sōsia. <sup>5</sup> Gabu be ba yō mi, ba bu bikia, amōna! Mban sōna i keteku buu ge sōsiamō.

<sup>6</sup> Ba bu sōwa nge mε Yesu u nεε bu gere, ma ba bu deri ba ka doona. <sup>7</sup> Ba keteku buu ge gawa ba ka Yesu daawa. Ma ba ben yabenu potira ba teria gen wōllō, ma Yesu u nu sinari. <sup>8</sup> Tōn dabinu nu nin yabenu teria swaa sōō, ma gaba maa bāa kakosu bōōrimō ba teriamō swaa mi. <sup>9</sup> Be ba nūn gbiiye ka be ba nūn swīi biruō, ba gbāsukumō ba mō, “Baruka! U sāawa domarugii wi u sisi Yinnin yīsiru sōō. <sup>10</sup> Domarugira besen baaba Dafidin ban te ta sisi. Bu Gusunō siaro wōllō!”

<sup>11</sup> Yera Yesu u Yerusalemu dua u da sāa yerō, ma u gāanu kpuro mæera u ka sikerena. Adama ye u wa yam tīra u yara u da Betani gia ka win bwāabu wōkura yiru ye.

*Yesu u dāru garu bōrusi*

(*I maa mæerio Mateu 21:18-19*)

<sup>12</sup> Yen sisiru, ye ba doona Betanin di, yera gōōra Yesu mō. <sup>13</sup> Ma u dāru garu wa sarun di te ba mō figie ta wurusu kpare. U da mi, u ka wa nge ta mara. Adama ye u tura mi,

u ñ gãanu ganu wa ma n kun mə wurusu yèn sã sanam me, mu ñ sãa ten marubun saa. <sup>14</sup> Yesu tu sãowa u nee, goo kun maa ten binu dimə sere ka baadommaə.

Win bwāaba maa gari yi nua.

*Yesu u dua* sãa yerə

(*I maa mɛerio* Mateu 21:12-17, Luku 19:45-48, Yohanu 2:13-22)

<sup>15</sup> Sanam me ba tura Yerusalemə Yesu u da sãa yerə. Ma u be ba kiaru daramə ka be ba dwemə mi giram wəri. U be ba gobi kəsimən tabuluba fukura, ka totobere dərobun kitanu. <sup>16</sup> U ñ maa dere goo u ka gãanu bukiana sãa yeru mi. <sup>17</sup> Yera u tən be sãabu wəri u nee, ba yorua ma Gusunə u nee, “Win diru ta ko n sãawa kanarun diru tambu kpuron sã.” Adama bee i tu kua gbenəbun wāa yeru.

<sup>18</sup> Ye yāku kowo tənwerobu ka wooda yērobu ba gari yi nua, yera ba swaa kasu bu ka Yesu go. Adama ba nùn berum sãa domi tən wəru ge, ga biti soora win keu sãosibun sã.

<sup>19</sup> Ye são kpa, Yesu ka win bwāabu ba yara wuun di.

*Yesu ka dāa* te ta gberan gari

(*I maa mɛerio* Mateu 21:20-22)

<sup>20</sup> Yen sisiru bururu, nge me ba sarə, ba dāa te Yesu u bōrusi mi wa ta gbera mam mam sere ka ten gbiniə. <sup>21</sup> Yera Piee u yaaya ye Yesu raa gerua ma u nùn sãowa u nee, Yinni a figie ye mɛerio ye a bōrusi, wee ya gbera.

<sup>22</sup> Yesu u bu sãowa u nee, i de i n Gusunə naane sãa. <sup>23</sup> Ka geema na bee sãomə, baawure wi u guu teni sãomə tu seewo tu tii sure nim wōku sə, ma u kun sika sika mə win gōruə kpa u n naane doke ye u gerumə sə meya n koo maa nùn kooa. <sup>24</sup> Yenin sōna na bee sãomə, gãanu baanire ni i bikiamə kanaru sə, i naane dokeo ma i nu wa i mwa kə, meya n koo maa bee kua. <sup>25</sup> Sanam me i

yõ i kanaru m̀, ì n gãanu m̀ə̀sine ka goo, i gina yẽro suuru kuo, kpa b̄een Baaba wi u w̄aa w̄oll̄o u maa b̄ee b̄een toranu suuru kua. [ <sup>26</sup> Adama b̄ee, ì kun gabu suuru kue, b̄een Baaba wi u w̄aa w̄oll̄o, u ì koo maa b̄ee b̄een toranu suuru kua.]

*Man diya Yesu u yiiko wa*

*(I maa m̄erio Mateu 21:23-27, Luku 20:1-8)*

<sup>27</sup> N wee, ba kpam wura Yerusalem̄. Nge m̄e Yesu u b̄osu s̄aa yer̄o, ȳãku kowo t̄onwerobu ka wooda yẽrobu ka guro gurobu ba na win mi, <sup>28</sup> ba n̄un bikia ba n̄ee, weren yiikowa a ka yeni m̀. Wara nun yiiko w̄ẽ a ka yenin bweseru ko.

<sup>29</sup> Yesu bu wisa u n̄ee, kon b̄ee gari tia gaa bikia. Ì n kp̄ã i man ye wisa, sanam m̄eya kon b̄ee s̄õ yiiko ye na ka yeni m̀. <sup>30</sup> Bat̄emu ye Yohanu u m̀, weren yiikowa u ka m̀. Gusun̄gia? Nge t̄onugia. I man wisio.

<sup>31</sup> Ma ba wesiana ben tii tiine s̄o ba n̄ee, mba sa ko n̄un wisi. T̄ẽ n̄o? S̄a n gerua sa n̄ee Gusun̄n yiikowa, u koo n̄ee, mban s̄õna sa ì Yohanu naane doke. <sup>32</sup> S̄a n maa gerua sa n̄ee, t̄onugia, to.

N deema ba t̄ombun berum m̄o domi t̄ombu kpurowa ba wura kam kam ma Yohanu u s̄aa Gusun̄n s̄om̄.

<sup>33</sup> Yen s̄õna ba Yesu s̄õwa ba n̄ee, ba ì ȳẽ.

Ma Yesu maa bu s̄õwa u n̄ee, n̄ena kun maa b̄ee s̄õm̄o w̄in yiiko na ka yeni m̀.

## 12

*Gbaa wuko k̄s̄obun gari*

*(I maa m̄erio Mateu 21:33-46, Luku 20:9-19)*

<sup>1</sup> Yen biru, Yesu u ka bu m̄ondu gari s̄õwa. U n̄ee, dur̄o goo u gbaaru kua mi u d̄ãa bii duronu duura ni ba ra soku resem, ma u kara kua u ka sikerena. U maa w̄oru gba mi ba koo d̄ãa bii ni gama ma u gbaa k̄su yeru kua. Yera u

gbaa wukobu kasu u bu ye n̄mu beria ma u wigiru doona. <sup>2</sup> Sanam m̄e d̄āa binun s̄aribu tura, u win s̄om kowo ḡara gbaa wuko ben mi bu win b̄onu mwaama. <sup>3</sup> Yera gbaa wuko be, ba s̄om kowo wi mwa ba so ma ba n̄n̄n ḡasia n̄m dira. <sup>4</sup> Yera u kpam bu s̄om kowo goo ḡaria ma gbaa wuko be, ba n̄n̄n so wir̄o ma ba n̄n̄n yaa kasiki. <sup>5</sup> Gbaa ȳero wi, u kpam maa bu s̄om kowo ḡaria, ma ba n̄n̄n go. M̄eya ba ben dabinu kua, ba gabu so ba gabu go. <sup>6</sup> T̄ē, n tie gbaa ȳero win bii k̄inasin tii tii. Wiya u bu ḡaria d̄ākuru u n̄e, ba koo win biin n̄onu nasia. <sup>7</sup> Adama gbaa wuko be, ba wesiana ba n̄e, winiwa gbaa ten tubi dio. I na su n̄n̄n go kpa gbaa te, tu ko bes̄egiru. <sup>8</sup> Yera ba aluwaasi wi mwa ba go. Ma ba win goru yara gbaarun di.

<sup>9</sup> Yesu u n̄e, t̄ē, am̄ona gbaa ȳero wi, u koo ko. U koo da u gbaa wuko be go kpa u win gbaaru gabu n̄mu s̄andia.

<sup>10</sup> B̄e i ñ̄ gari yini gara Gusun̄n gari s̄o yi yi n̄e,

“Kpee te ban̄ba yina, tera ta kua gani ḡamburun dam.

<sup>11</sup> Yinniwa ye kua, ma n kua maamaaki bes̄en n̄oni s̄o.”

<sup>12</sup> Yera ba swaa kasu bu ka n̄n̄n mwa, domi ba tuba ma ben s̄na u m̄on te kua. Adama ba t̄on w̄oru nasia, ma ba n̄n̄n deri ba doona.

W̄ō gobin k̄asiabun gari

(I maa m̄erio Mateu 22:15-22, Luku 20:20-26)

<sup>13</sup> Ma ba Falisi gabu ka Herodun t̄ambu gabu ḡara Yesun mi, bu ka n̄n̄n garin yina beria. <sup>14</sup> Ye ba tura win mi, ba n̄e, yinni, sa ȳe ma a ra gem gere. M̄eya a ku ra goon n̄onu m̄eri, domi a ku ra gari gere bine ka berum s̄o, adama a t̄ambu Gusun̄n swaa s̄ōsimāwa dee dee. N weene su tem ȳero w̄ō gobi k̄asia? Nge su ku k̄asia.

<sup>15</sup> Adama Yesu u ben murafiti te tuba ma u n̄e, mban s̄na i ka man garin yina beriam̄e. I man sii geesun gobi s̄ōsima n wa.

<sup>16</sup> Ba n̄n̄n s̄ōsi. Ma u bu bikia u n̄e, weren foto ka ȳirera mini. Ba n̄n̄n s̄ōwa ba n̄e, tem ȳerogia.

<sup>17</sup> Yera Yesu u bu sãowa u nɛɛ, i tem yẽro kãsio ye ya sãa tem yẽrogiã kpa i maa Gusunã kãsia ye ya sãa Gusunãgia.

Yera biti baka bu mwa n banda win sã.

*Gər̄ibun seebun gari*

*(I maa mɛɛrio Mateu 22:23-33, Luku 20:27-40)*

<sup>18</sup> Yera Sadusi be ba ra nɛɛ, gər̄iba kun seemã, ba da Yesun mi, ba nùn bikia ba nɛɛ, <sup>19</sup> yinni, Məwisi u sun wooda wẽ u nɛɛ, goo ù n gu ma u kurã deri, ma wi ka kurã wi, ba ñ bii mã, n weene yẽro win wãnã u kurã gãm̄ini wi sua, kpa u ka mãw bibu marua. <sup>20</sup> Wee, tundo turosibu nãba yiru gaba raa wãa. Ben gbiikoo u kurã sua ma u gu, u ñ ka kurã wi bii mara. <sup>21</sup> Yera ben yiruse u kurã gãm̄ini wi sua. Win tii maa gu, u ñ ka kurã wi bii mara. Nge meya ben itasen tii, <sup>22</sup> sere n ka girari ben nãba yiruse, ba ñ ka kurã wi bii mara. Be kpuron biruwa kurã win tii maa gu. <sup>23</sup> Dãma te gər̄iba koo se, tãn ben wara ko n kurã wi mã. Domi be nãba yiru ye kpuro ba nùn yẽwa kurã.

<sup>24</sup> Yesu bu wisa u nɛɛ, i ñ Gusunãn gari ka win dam yẽ. N ñ yen sãna i tore? <sup>25</sup> Domi sanam mɛ gər̄iba koo se durãbu ka kurãbu ba ñ maa suanamã, ba ko n sãawa nge Gusunãn gər̄adoba. <sup>26</sup> Ye n maa sãa gər̄ibun seebun gari, i ñ garire Məwisin tireru sãw mi awii dãwãgiin gari wãa nge mɛ Gusunã u ka nùn gari kua u nɛɛ, “Wiya Aburahamun Yinni, ka Isakin Yinni, ka Yakãbun Yinni.” <sup>27</sup> Wee, Gusunã u ñ sãa gər̄ibun Yinni. U sãawa wasobugii. Yenin sãna bɛen torara kpã.

*Wooda ye ya bo*

*(I maa mɛɛrio Mateu 22:34-40, Luku 10:25-28)*

<sup>28</sup> N wee, wooda yẽro goo u ben sikirinã ge nua. U wa ma Yesu u Sadusi be gari gee wisa, ma u da Yesun mi u nùn bikia u nɛɛ, woodaba kpuro sãw yerã ya kere.

<sup>29</sup> Yesu u nɛɛ, wooda ye ya kere wee. “Bɛɛ Isireliba, i swaa dakio, Gusunɔ bɛsɛn Yinni, wi turowa Yinni. <sup>30</sup> A Gusunɔ wunen Yinni kɔ̄ ka wunen gɔ̄ru kpuro ka wunen bwɛra kpuro ka wunen bwisikunu kpuro ka wunen dam kpuro.” <sup>31</sup> Yen yiruse wee. “A wunen tɔnusi kɔ̄ nge wunen tii tii.” Wooda gaa maa sari ye ya yeni kere.

<sup>32</sup> Ma wooda yɛro wi, u Yesu sɔ̄wa u nɛɛ, to, n wã yinni. Gema a gerua ye a nɛɛ Gusunɔ turowa wãa, goo maa sari ma n kun mɔ wi. <sup>33</sup> Ma tɔnu ù n Gusunɔ kɔ̄a ka win gɔ̄ru kpuro ka win bwisikunu kpuro ka win dam kpuro, ù n maa win tɔnusi kɔ̄a nge win tii tii, yeya ya yãku dɔ̄ɔ mwaararuginu ka yãku ni nu tie kere.

<sup>34</sup> Ye Yesu u wa ma u yeni geruawa ka yɛrun baa, yera u nùn sɔ̄wa u nɛɛ, a turuku kooma a ka du mi Gusunɔ u bandu swii.

Yenin biru goo kun maa kãka u Yesu gãanu ganu bikie.

*Dafidi ka wi Gusunɔ u gɔsa*

*(I maa mɛerio Mateu 22:41-46, Luku 20:41-44)*

<sup>35</sup> Yen biru, nge mɛ Yesu u Gusunɔn garin keu sɔ̄ɔsimɔ sãa yerɔ, u tɔmbu bikia u nɛɛ, amɔna wooda yɛroba koo kpɔ̄ bu gere ma Kirisi u sãawa Dafidin bii. <sup>36</sup> Dafidin tii, ka Hunde Dɛeron sɔ̄siru u nɛɛ, “Yinni Gusunɔ u nen Yinni sɔ̄wa u nɛɛ, a sinɔ nen nɔm geuɔ sere n ka nun wunen yiberɛba taarea.”

<sup>37</sup> Dafidin tii u nùn soka Yinni. Amɔna u ko n maa ka sãa win bii.

*I tii laakari koowo*

*ka wooda yɛrobu*

*(I maa mɛerio Mateu 23:1-36, Luku 20:45-47)*

Ma tɔn wɔru ge, ga Yesun gari swaa daki ka nuku dobu. <sup>38</sup> Win keu sɔ̄sibu sɔ̄ u nɛɛ, i tii laakari koowo ka wooda yɛrobu be ba kɔ̄ ba n bɔsu ka yabe dendennu, ba

maa tɔbirinaa kɪ batuma sɔɔ ka beere. <sup>39</sup> Ma ba sin yee beereginu kɪ mennɔ yenɔ ka maa aye beereginu tɔɔ baka yerɔ. <sup>40</sup> Ba gɔminibun yenusu dimɔ ka taki ma ba kana dɛndɛnnu mɔ bu ka bu wan sɔ. Ba koo bu taare wɛ n kpɔ.

*Gobi yi kurɔ* gɔmini goo u kpɛɛ

(*I maa mɛerio* Luku 21:1-4)

<sup>41</sup> Yera Yesu u da u sina sɔa yerun kpakoro te ba ra gobi doken bɔkuɔ, ma u mɛera nge mɛ tɔmba gobi kpɛɛmɔ te sɔɔ. Gobigibu dabiru ba gobi beke doke. <sup>42</sup> Yera gɔmini sɔaro goo u na ma u gobi piiminu yiru doke mi, yɪn geera sɔa nge faram yirun saka. <sup>43</sup> Ma Yesu u win bwɔabu soka u bu sɔɔwa u nɛɛ, ka geema na beɛ sɔɔmɔ, gɔmini sɔaro wini, u gobi doke kpakoro teni sɔɔ n tɔmbu kpuro kere. <sup>44</sup> Domi be kpuro, ye n sɔndi ben mɔɔ bakaru sɔɔ, yera ba wuna ba doke, adama kurɔ wi, win yɔaru sɔara u kpuro kpɛɛ ye u ka tii kɔsu.

## 13

*Yesu u sɔa* yerun kɔrabun gari mɔ

(*I maa mɛerio* Mateu 24:1-2, Luku 21:5-6)

<sup>1</sup> Nge mɛ Yesu u yario sɔa yerun di, win bɔɔ turo u nɛɛ, yinni, anna a dii bakanu wa ka nin kpee buranu!

<sup>2</sup> Ma Yesu nɔn sɔɔwa u nɛɛ, a dii baka ni wa? Baa kpee teeru ta n ko n sɔndi ten tensim wɔllɔ. Ba koo ni kpuro surawa.

*Wahala* ye ya koo na handunia yu sere kpe

(*I maa mɛerio* Mateu 24:3-14, Luku 21:7-19)

<sup>3</sup> Yen biru Yesu u da Olifin guurɔ u sina u wuswaa kisi sɔa yeru gia. Yera Piɛɛ ka Yakɔbu ka Yohanu ka Andere ba da be tɔna ba nɔn bikia ba nɛɛ, <sup>4</sup> a sun sɔɔwɔ, domma yabu ye, ya koo koora. Yire terɔ ta koo sun sɔɔsi ma yen saa ya tura.



<sup>5</sup> Ma Yesu u bu sɔɔbu wɔri u nɛɛ, i tii laakari koowo, kpa goo ku raa bɛɛ nɔni wɔke. <sup>6</sup> Tɔn dabira koo na ka nen yĩsiru ba n mɔ, beya ba sãa Kirisi wi, kpa bu tɔn dabinu nɔni wɔke. <sup>7</sup> Ì n tabun damu damusu nɔmɔ, i ku de n bɛɛ berum ko. Yeni ya ñ koo ko ya kun koore, adama n ñ gina handunian kpeeru mi. <sup>8</sup> Domi bwesenu koo seesina. Sinamba koo seesina. Tem yĩribu ka gɔɔru ko n wãa gam ka gam. Ye kpuro n ko n sãawa nge tɔn kurɔn nuku wuriribun tore.

<sup>9</sup> Adama bɛɛ, i n bɛɛn tii sɛ. Domi ba koo bɛɛ mwa kpa bu bɛɛ siri kowobu nɔmu sɔndia. Ba koo maa bɛɛ so mennɔ yenɔ, kpa bu ka bɛɛ da tem yẽrobu ka sinambun wuswaaɔ nen sɔ kpa i ka seeda di. <sup>10</sup> Yu sere koorɔ mɛ ba koo gina bwesenu kpuro Labaari gea waasu kua. <sup>11</sup> Adama sanam mɛ ba bɛɛ gawe ba ka dɔɔ bu bɛɛ siri kowobu nɔmu beria, i ku gbi i wurura ka ye i ko gere. Saa ye, yà n tunuma, i geruo ye Gusunɔ u koo bɛɛ sɔ. Domi n ñ bɛɛn tii i ko gere, ma n kun mɔ Hunde Dɛɛro. <sup>12</sup> Mɔɔ ka wɔnɔ ba koo kɔrumɔtɔnu kuana bu ka ben turo go, meya tundoba koo maa ben bibu kua. Bibu ba koo ben mɔwɔbu seesi kpa bu de bu bu go. <sup>13</sup> Tɔmbu kpurowa ba ko n bɛɛ tusa nen yĩsirun sɔ. Adama wi u temana sere ka nɔrɔ, u koo faaba wa.

Gãa kɔsunun gari

(I maa mɛɛrio Mateu 24:15-28, Luku 21:20-24)

<sup>14</sup> Yesu maa nɛɛ, adama i ko kam koosion bwãaroku kɔsu wa ga yɔ mi n ñ weenɛ ga n wãa. Wi u tire teni garimɔ u tubuo sãa sãa. Sanam meya n weenɛ be ba wãa Yudeaɔ bu kpikuru su bu da guunɔ. <sup>15</sup> Kpa wi u wãa dii tɛɛra wɔllɔ u ku sara u du dirɔ u gãanu sua. <sup>16</sup> Wi u maa woo gberɔ u ku gɔsira yenuɔ u win yabe bakarɔ sua. <sup>17</sup> Anna kurɔ ben nɔni swãara ko n nɛ sanam mɛ, be ba guri mɔ ka be ba bibu bɔm kɛmɔ. <sup>18</sup> I Gusunɔ kanɔ kpa saa ye, yu ku raa ko woorun sanam. <sup>19</sup> Domi sanam mɛ

sɔɔ, nɔni swāa bakara ko n wāa tèn bweseru ta ñ koore saa handunian toren di sere ka gisɔ. Ten bwesera kun mam maa sisi. <sup>20</sup> Yinni ù kun daa tɔɔ te kawe, goo kun tiarɔ. Adama wigii be u gɔsan sɔna u tɔɔ te kawa. <sup>21</sup> Saa ye sɔɔ, goo ù n bɛɛ sɔɔmɔ u nɛɛ, Kirisi wi, u wāa mini, ñ kun mɛ u wāa miɔnɔ, i ku ra naane ko. <sup>22</sup> Domi Kirisi weesugibu ka sɔmɔ weesugiba koo yari. Ba koo yīrenu ka sɔm maamaakigia ko, bu ka be Gusunɔ u gɔsa nɔni wɔke ñ n ko n koorɔ. <sup>23</sup> Wee, na bɛɛ yeni kpuro sɔɔwa kɔ yu sere koorɔ. Yen sɔ, i n tii sɛ.

*Tɔnun Biin naaru*

*(I maa mɛɛrio Mateu 24:29-31, Luku 21:25-28)*

<sup>24</sup> Yesu maa nɛɛ, adama saa ye sɔɔ, nɔni swāarun biru, sɔɔ u koo yam tīra, suru kun maa waarɔ. <sup>25</sup> Wɔllun kperi yi koo wɔruma temɔ, kpa wɔllun dam mu yīri. <sup>26</sup> Saa yera ba koo Tɔnun Bii wa u kurama guru winu sɔɔ ka dam bakam ka yiiko. <sup>27</sup> U koo win gɔradoba gəri handunian goonu nne sɔɔ bu be u gɔsa menna saa handunian nɔrun di sere ka wɔllɔ.

*Yīre te dāa te ba mɔ figie*

*ta sɔɔsimɔ*

*(I maa mɛɛrio Mateu 24:32-35, Luku 21:29-33)*

<sup>28</sup> Yesu maa nɛɛ, tɛ i de dāa te ba mɔ figie tu bɛɛ gari gɛɛ sɔɔsi. Sanam mɛ ta kpararu torua, i yɛ ma tomburura ta turuku kua. <sup>29</sup> Nge mɛya maa, ñ n wa yeni kpuro ya kooramɔ, i n yɛ ma nɛ Tɔnun Bii na turuku kuawa, na mam wāa kɔnnɔwɔ. <sup>30</sup> Ka geema na bɛɛ sɔɔmɔ, tɛn tɔn beni ba ñ gbimɔ ye kpuro yu ka koorɔ. <sup>31</sup> Wɔllu ka tem baa ya koo doona, adama nen gari kun doonɔ pai.

*Gusunɔ turowa*

*handunian kpeerun saa yɛ*

*(I maa mɛɛrio Mateu 24:36-44)*

<sup>32</sup> Yesu maa nɛɛ, ye n sãa nen naarun saa, goo sari wi u yen tõru yẽ, baa Gusunɔn gɔradoba be ba wãa wollo, baa mam Biin tii, ma n kun mɔ Baaba turo. <sup>33</sup> I n tii se kpa i n swaa mɛera, domi i n yẽ dɔma te tɔɔ te, ta koo tunuma. <sup>34</sup> N ko n sãawa nge durɔ goo wi u sanum dɔɔ. U win yenu win sɔm kowobu nɔmu sɔndia, u ben baawure win sɔmburu wẽ, ma u kɔnnɔ kɔso sɔɔwa u n swaa mɛera. <sup>35</sup> Ñ n mɛn na, i n swaa mɛera, domi i n yẽ nge yenu yẽro u koo tunuma yoka, n kun mɛ wɔku suunu, n kun mɛ saa ye gue sumɔ, n kun mɛ bururu. <sup>36</sup> Û n tunuma suaru sɔɔ, kpa u ku raa bɛɛ deema i dɔ. <sup>37</sup> Ye na bɛɛ sɔɔmɔ yera na maa baawure sɔɔmɔ, i n swaa mɛera.

## 14

*Wirugiba wesianamɔ*

*bu ka Yesu go*

(*I maa mɛerio Mateu 26:1-5, Luku 22:1-2, Yohanu 11:45-53*)

<sup>1</sup> N wee, n tie sɔɔ yiru bu ka Gɔɔ sararibu ka pɛɛ ye ba kun seeyatia doken tɔɔ bakaru ko. Ma yãku kowo tɔnwerobu ka wooda yẽrobu ba swaa kasu bu ka Yesu mwa asiri sɔɔ bu go, <sup>2</sup> domi ba gerumɔ ba mɔ, n n weene bu ko tɔɔ baka te sɔɔ, kpa n ku raa ko gari baka tɔmbun suunu sɔɔ.

*Kurɔ goo turare yẽka*

*Yesun wirɔ*

(*I maa mɛerio Mateu 26:6-13, Yohanu 12:1-8*)

<sup>3</sup> Sanam mɛ Yesu u wãa Betaniɔ Simɔɔn yenuɔ wi u raa bara disigiru mɔ, kurɔ goo u na win mi u too buraru neni te ba kua ka abatiri, te ta turare gobi bekegia yiba ye ba kua ka naadin gum. U too te kɔra ma u turare ye yẽka Yesun wirɔ sanam mɛ u dimɔ. <sup>4</sup> Gabu ba sɔɔnamɔ ka mɔru ba nɛɛ, mban sɔna u turare ye kam koosia. <sup>5</sup> Sa ko raa kpɪ

su ye dāra yu ko sām kowon wōō tian kōsiarun saka, kpa su gobi yi sārōbu bōnu kua.

Ma ba kurō wi wākisi. <sup>6</sup> Adama Yesu u nē, i nùn derio. Mba n kua i ka nùn wākisimō. Gāa burana u man kua. <sup>7</sup> Baadommawa sārōbu ba wāa bēen suunu sōō. Sanam baamere mē i kī, i ko kpī i bu durom kua. Adama nēna na n̄ ko na n wāa ka bēe ka baadomma. <sup>8</sup> U kua nge mē win mōra nē. U nawa u ka nēn wasin sikubun sōōru ko bu sere yi sike. <sup>9</sup> Ka geema na bēe sōōmō, baama mi ba Labaari gea waasu mō handunia kpuro sōō, ba koo maa kurō win gari gere ye u kua minin sō, ba n ka nùn yaaye.

*Yudasi u kī u Yesu yāku kowo*

*tōnwerōbu nōmu sōndia*

*(I maa mēerio Mateu 26:14-16, Luku 22:3-6)*

<sup>10</sup> Yen biru Yudasi Isikariōtu, bwāabu wākura yiru yen turo, u da yāku kowo tōnwerōbun mi u ka bu Yesu nōmu sōndia. <sup>11</sup> Ben nukura dora gem gem ye ba win gari nua ma ba nùn gobi nōō mwēru kua yi ba koo nùn kē. Ma u swaa kasu nge mē u koo ko u ka Yesu bu nōmu sōndia ù n saa wa.

*Yesu u Gōō sararibun yaa dibu*

*dimō ka win bwāabu*

*(I maa mēerio Mateu 26:17-25, Luku 22:7-14, 21-23, Yohanu 13:21-30)*

<sup>12</sup> Pēe ye ba kun seeyatia doken tōō bakarun tōō gbiikiru, tē sōō ba ra Gōō sararibun yāanu go, Yesun bwāaba na win mi ba nē, mana a kī su nun Gōō sararibun yaa dibun sōōru kua.

<sup>13</sup> Yera Yesu u win bwāabun yiru gōra u bu sōōwa u nē, i doo wuu sōō, i ko ka durō goo yinna u nim tooru sōōwa. I nùn swīiyō. <sup>14</sup> Yenu mi u dua, i yenu gen yēro sōōwō i nē, yinni u nē, diru mana wi ka win bwāabu ba koo be Gōō sararibun yaa dibu di. <sup>15</sup> Durō wi, u koo bēe gidambisa

baka s̄ɔsi ye ba s̄ɔru kua ka ḡã n̄n bukata sa m̄ɔ kpuro. Miya i ko i sun Ḡɔ sararibun s̄ɔru kua.

<sup>16</sup> Ma bw̄ã be, ba swaa w̄ori ba tura wuu gen mi, ba ye kpuro wa nge m̄e Yesu u raa bu s̄ɔwa. Ma ba Ḡɔ sararibun yaa dibu s̄ɔru kua.

<sup>17</sup> Ye n kua yoka Yesu u da mi ka win bw̄ãabu w̄okura yiru ye. <sup>18</sup> Ye ba s̄ɔ ba dim̄ɔ Yesu u n̄e, ka geema na b̄e s̄ɔm̄ɔ, b̄een turo wi u dim̄ɔ ka n̄e sannu u koo man d̄om̄e.

<sup>19</sup> Yeya bw̄ã be kpuron nuki sankira, ma ba n̄n bikiabu w̄ori tia tia ba m̄ɔ, asa n ñ n̄e.

<sup>20</sup> Ma Yesu u bu wisa u n̄e, b̄e w̄okura yiru ye s̄ɔ, n̄e ka wi sa gb̄e teeru s̄ɔram̄ɔ, wiya. <sup>21</sup> Ka geema, T̄ɔnun Bii u koo gbi nge m̄e Gusun̄ɔn gari gerum̄ɔ win s̄ɔ. Adama n̄ni sw̄aarugiiwa wi u koo n̄n d̄om̄e. N san̄ɔ ba kun daa ȳero mara.

*Yinnin d̄ia domaruginu*

*(I maa m̄erio Mateu 26:26-30, Luku 22:15-20, Korinti I, 11:23-25)*

<sup>22</sup> Mi ba dim̄ɔ mi, Yesu u p̄e sua u Gusun̄ɔ siara ma u ye murura u win bw̄ãabu w̄e. U n̄e, i m̄ɔ, yeniwa nen wasi.

<sup>23</sup> U maa n̄ra sua u Gusun̄ɔ siara ma u bu w̄e, ma be kpuro ba n̄ra. <sup>24</sup> Ma Yesu u n̄e, yeniwa nen yem m̄e mu Gusun̄ɔn n̄ɔ mw̄e kpaaru sire. Mu koo maa yari t̄ɔn dabinun s̄ɔ. <sup>25</sup> Ka geema na b̄e s̄ɔm̄ɔ, na ñ maa tam meni n̄rum̄ɔ sere n ka ko sanam m̄e kon men kpam n̄ɔ ban te Gusun̄ɔ u koo sw̄i s̄ɔ.

<sup>26</sup> Ye ba womusu kua ba kpa, yera ba yara ba da Olifin guuru w̄ollo.

*Yesu u n̄e, Pīe koo n̄n siki*

*(I maa m̄erio Mateu 26:31-35, Luku 22:31-34, Yohanu 13:36-38)*

<sup>27</sup> Olifin guuru miya Yesu u bu s̄ɔwa u n̄e, b̄e kpurowa i ko i biru wura. Domi ba yorua Gusun̄ɔn gari

sɔɔ ba nɛɛ, “Ba koo yāa kparo go, kpa yāanu nu yarina.”

<sup>28</sup> Adama nà n seewa gərɪn di kon bɛɛ gbiiya Galileɔ.

<sup>29</sup> Yera Piɛɛ nùn sɔɔwa u nɛɛ, baa tɔmbu kpuro bà n biru wuramɔ, n ò ka nɛ!

<sup>30</sup> Yesu u nùn sɔɔwa u nɛɛ, ka geema na nun sɔɔmɔ, gisɔn wɔku te, sere goo dɔɔ gu ka swī nɔn yiru, kaa man siki nɔn ita.

<sup>31</sup> Adama Piɛɛ u nɔɔ gɛɛ dim dim u mɔ, na ò nun sikimɔ pai. Baa ò n gɔɔn na, sanna sa ko gbi.

Mɛya maa bwāa be kpuro ba gerua.

*Yesu u kanaru mɔ Gesemanɛɔ*

*(I maa mɛɛrio Mateu 26:36-46, Luku 22:39-46)*

<sup>32</sup> Yen biru ba da gam gum mi ba ra soku Gesemanɛ. Ma Yesu u win bwāabu sɔɔwa u nɛɛ, bu sinɔ mi, kpa u da u kanaru ko.

<sup>33</sup> Ma u Piɛɛ ka Yakɔbu ka Yohanu soka ba da ka wi. Ma u nanda, win wasi dwiiya. <sup>34</sup> Yera u bu sɔɔwa u nɛɛ, nɛn nukura sankira sere n gɔɔ gum girari. I yɔro mini kpa i n tii kpɛrenu sāa.

<sup>35</sup> Yen biru u bu desirari fiiko u kpuna u kibari u kanaru kua, ò n koo koorɔ, wahalan saa ye, yu nùn desirari.

<sup>36</sup> Yera u gerua u nɛɛ, nɛn Baaba, kaa kpī a gāanu kpuro ko. A de wahala ye, yu man desirari. Adama a ku nɛn gɔɔru kīru ko ma n kun mɔ wunɛguru.

<sup>37</sup> Ma u wurama bwāabu ita ben mi, u deema ba dɔ. Ma u Piɛɛ bikia u nɛɛ, Simɔɔ a dɔwa? A kpɛna a n wasi baa kɔbi tia? <sup>38</sup> I n tii kpɛrenu sāa i n kanaru mɔ, kpa i ku ra du kɔkiribu sɔɔ. Ka geema, tɔnun gɔɔru ga kī adama wasi yen dam bie.

<sup>39</sup> Ma u kpam wura u kanaru kua. Gari tee yiya u gerumɔ. <sup>40</sup> Ye u kpam wurama u deema ba do domi ben nɔni bunia. Ba ò maa yɛ ye ba koo nùn sɔ.

<sup>41</sup> Ye u wurama ben mi nɔn itase u bu sɔɔwa u nɛɛ, i den dweeyo tɛ, kpa i wɛra. N tura mɛ. Saa ye, ya tunuma

kɔ. N wee, ba Tɔnɔn Bii tɔn kɔsobu nɔmu sɔndiammɛ. <sup>42</sup> I seewo su doona. Wee, wi u man dɔmemɔ u sisi.

*Yesun mwaabu*

(*I maa mɛɛrio Mateu 26:47-56, Luku 22:47-53, Yohanu 18:3-12*)

<sup>43</sup> Yesu kun gari yi gerum kpa Yudasi ka tunuma yande, bwāabu wākura yiru yen turo. Tɔn dabira nùn swīi ba takobiba ka bokunu neni. Yāku kowo tɔnwerobu ka wooda yērobu ka guro guroba ba bu gɔra. <sup>44</sup> N deema dɔmɛ wi, u raa tɔn be sɔɔwa yīre te u koo ko. U nɛɛ, durɔ wi u koo nɛnɛ u bəkasi, wiya mi, bu nùn mɔɔ, bu nɛnɛ kem kem bu ka doona. <sup>45</sup> Ye Yudasi tunuma, mii mii u da Yesun mi, ma u nɛɛ, yinni.

Ma u nùn bəkasi. <sup>46</sup> Yera tɔn be, ba nɔmu demia ba Yesu mwa. <sup>47</sup> Adama be ba yɔ min turo u win takobi woma, ma u yāku kowo tɔnweron yoon soo sɔra u bura. <sup>48</sup> Yera Yesu bu bikia u nɛɛ, nena bɛɛ i mwaabu na ka takobiba ka bokunu nge swaa dio? <sup>49</sup> Baadommawa na ra n ka bɛɛ wāa sāa yerɔ na n keu sɔɔsimɔ, ma i n man mwɛ. Adama Gusunɔn gari yi n koo ko yi kun koore.

<sup>50</sup> Yera bwāa be kpuro ba yarina ba nùn deri.

<sup>51</sup> Aluwaasi goo maa Yesu swīi biruɔ u bekuru wukiri. Yera gaba kī bu nùn mwa, <sup>52</sup> adama u duka tereru, u bu bekuru deria.

*Ba Yesu sirimɔ*

*Yuuban tɔnwerobun mennɔ yerɔ*

(*I maa mɛɛrio Mateu 26:57-68, Luku 22:54-55, 63-71, Yohanu 18:13-14, 19-24*)

<sup>53</sup> Sanam mɛya ba ka Yesu da yāku kowo tɔnweron yenuɔ mi yāku kowo tɔnwerobu ka guro gurobu ka maa wooda yērobu ba mennɛ. <sup>54</sup> Ma Piɛɛ u bu swīi dandankuru sere ka yāku kowo tɔnweron yenu yaaraɔ. Miya u sina, wi ka tabu kowobu sannu ba dɔɔ wɔsu.

<sup>55</sup> Yāku kowo tɔnwerobu ka maa guro gurobun menno ge kpuro ba seeda kasu ye ba koo Yesu mani bu ka nùn go. Adama ba ò wa. <sup>56</sup> Domi tɔn dabiru ta nùn seeda weesugia diisimɔ adama seedagii be, ba ò nɔɔ tia sãa.

<sup>57</sup> Yera gaba seewa ba nùn weesu mani ba nɛɛ, <sup>58</sup> besɛ sa nua u nɛɛ u koo sãa yeru sura te ba ka nɔma bana, kpa sɔɔ itan baa sɔɔ u be ten kpaaru bani te ba ò ka nɔma banɛ.

<sup>59</sup> Ka mɛ, baa gari yinin tii sɔɔ ba ò nɔɔ tia kue.

<sup>60</sup> Ma yāku kowo tɔnwero u seewa u yɔra be kpuron wuswaaɔ, u Yesu bikia u nɛɛ, a ò gɛɛ wisimɔ? Mba tɔn beni ba nun saarisimɔ.

<sup>61</sup> Adama Yesu u maari piti, u ò bu gãanu wisa. Yera yāku kowo tɔnwero wi, u kpam nùn bikia u nɛɛ, wuna Kirisi wi? Gusunɔ Yinni wi sa siaramɔn Bii?

<sup>62</sup> Ma Yesu u nɛɛ, oo, nɛna mi. Sɔɔ teeru i ko Tɔnun Bii wa u sɔ Dam Kpurogiin nɔm geuɔ, u wee wɔllun di guru winu sɔɔ.

<sup>63</sup> Sanam mɛya yāku kowo tɔnwero u win tiin yaberu nɛnua u karana, ma u nɛɛ, ee, seeda yerà i maa kasu.

<sup>64</sup> Bɛɛ i nua gari kam yi u gerua. Amɔna i wa durɔ wi sɔɔ. Ma be kpuro ba nùn taarɛ wɛ ba nɛɛ, bu nùn go.

<sup>65</sup> Yera ben gaba yande nùn yāatam siem wɔri, ba win nɔni wɔkua, ma ba nùn nɔm kusa soomɔ, ba nɛɛ u tubuo wi u nùn soomɔ.

Ma tabu kowobu ba nùn mwa ba soomɔ.

*Piɛɛ* u Yesu siki

(*I* maa mɛɛrio Mateu 26:69-75, Luku 22:56-62, Yohanu 18:15-18, 25-27)

<sup>66</sup> Sanam mɛ Piɛɛ u wãa yenu yaaraɔ, yera wɔndia goo wi u sɔmburu mɔ yāku kowo tɔnweron mi u na mi. <sup>67</sup> Ye u Piɛɛ wa u dɔɔ wɔsu, u nùn mɛɛra tii. Yera u nɛɛ, wunɛ maa, a raa wãa ka Yesu Nasaretigii sannu.

<sup>68</sup> Adama Piɛɛ u gari yi siki, u nɛɛ, na ò yɛ fa, ya ò man yeeri ye a gerumɔ.



Ma u yara u da gongoroso gia. [Saa yera goo dɔɔ ga swĩ.] <sup>69</sup> Wɔndia sɔm kowo wi, u kpam nùn wa mi, ma u be ba yɔ mi sɔɔwa u nɛɛ, durɔ win tɔmbun turowa mini.

<sup>70</sup> Adama Piɛɛ u kpam gari yi siki. Ye n tɛ fiiko, be ba yɔ mi ba Piɛɛ sɔɔwa ba nɛɛ, ka gem, wunɛ tɔn ben turowa domi wunen tii Galilegiwa.

<sup>71</sup> Yera Piɛɛ u bɔrua u sɔnna u nɛɛ, na ñ durɔ wi yɛ wi bɛɛ i ka yã mini.

<sup>72</sup> Mii mii ma goo dɔɔ ga swĩ nɔn mɛɛruse. Yera u Yesun gari yaaya yi u raa nùn sɔɔwa u nɛɛ, sere goo dɔɔ gu ka swĩ nɔn yiru, u koo nùn siki nɔn ita. Ma u swĩ wɔri.

## 15

Ba ka Yesu da

*Pilatin wuswaaɔ*

(*I maa mɛɛrio Mateu 27:1-2, 11-14, Luku 23:1-5, Yohanu 18:28-38*)

<sup>1</sup> Buru buru yellu yãku kowo tɔnwerobu ka maa guro gurobu ka wooda yɛrobu, ka be ba tie mɛnnɔ ge sɔɔ, ba menna bu ka gari yi wesiana sannu. Ma ba Yesu bɔkua ba ka da ba Pilati nɔmu sɔndia. <sup>2</sup> Yera Pilati nùn bikia u nɛɛ, wuna Yuuban sunɔ?

Yesu nùn wisa u nɛɛ, mɛya nge mɛ a gerua.

<sup>3</sup> Ma yãku kowo tɔnwerobu ba Yesu mɛm dabinu manimɔ. <sup>4</sup> Yera Pilati kpam nùn bikia u nɛɛ, a ñ gãanu wisimɔ? A ñ nɔɔmɔ nge mɛ ba nun mɛm dabinu manimɔ?

<sup>5</sup> Adama Yesu kun yen gaa wisa sere biti ya Pilati mwa.

Ba Yesu taare wɛ bu go

(*I maa mɛɛrio Mateu 27:15-26, Luku 23:13-25, Yohanu 18:39-19:16*)

<sup>6</sup> N deema, Gɔɔ sararibun tɔɔ bakaru baatere Pilati u ra pirisɔm turo karewa wi tɔmba kĩ. <sup>7</sup> Sanam mɛya, tem gowobu gaba wãa pirisɔm sɔɔ be ba tɔmbu go tem gooru

garu sɔɔ. Ben turon yīsira Baraba. <sup>8</sup> Ma tɔn wɔru ga susi Pilatin mi bu ka nùn kana u bu kua nge mɛ u ra bu kue wɔɔ baagere tɔɔ te sɔɔ. <sup>9</sup> Ma Pilati u bu bikia u nɛɛ, i kī n bɛɛ Yuuban sunɔ kara?

<sup>10</sup> Domi win tii u yɛ kam kam ma nisinun sɔna yāku kowo tɔnwerobu ba nùn Yesu nɔmu sɔndia. <sup>11</sup> Sanam mɛ sɔra yāku kowo tɔnwerobu be, ba tɔn wɔru bɔrie gu ka Pilati seesi kpa u bu Baraba kara. <sup>12</sup> Ma Pilati u kɔam bu bikia u nɛɛ, n n men na, mba i kī n ko ka durɔ wi bɛɛ i sokumɔ Yuuban sunɔ.

<sup>13</sup> Yera ba kɔam gbāsukum wɔri ba nɛɛ, a nùn kpareo dāa bunanaru sɔɔ.

<sup>14</sup> Pilati u bikia u nɛɛ, mban sɔna. Kɔsa yerà u kua.

Adama tɔn be, ba gbāsukum sosi ba nɛɛ, a nùn kpareo dāa bunanaru sɔɔ.

<sup>15</sup> Pilati u kī u ko ye n koo bu dore, yen sɔna u bu Baraba kara. Yen biru u dera ba Yesu so ma u nùn tabu kowobu nɔmu sɔndia bu nùn dāa bunanaru kpare.

### Tabu kowobu

ba Yesu yaakoru mɔ

(I maa mɛɛrio Mateu 27:27-31, Yohanu 19:2-3)

<sup>16</sup> Sanam mɛya tabu kowobu ba Yesu gawa ba ka nùn da tem yɛron agbara sɔkaaɔ ma ba tabu kowobu kpuro kpuro menna mi. <sup>17</sup> Ba Yesu gurumususu swāabu sebusia, ma ba sāki tundu bɔkana ba doke win wirɔ nge furɔ. <sup>18</sup> Ma ba nùn tɔbirim wɔri ba mɔ, Yuuban sunɔ, fɔɔ baasira.

<sup>19</sup> Ma ba nùn gāa bɔɔ soomɔ wirɔ, ba nùn yāatam siemɔ, ba nùn yiiramme. <sup>20</sup> Ye ba nùn yaakoru kua ba kpa, ba nùn gurumususu swāabu ge potari ba win tiin yānu sua ba nùn sebusia. Ma ba nùn gawa ba ka yara bu ka nùn kpare dāa bunanaru sɔɔ.

Ba Yesu kpare

dãa bunanaru wõllo

(I maa mæerio Mateu 27:32-44, Luku 23:26-43, Yohanu 19:17-27)

<sup>21</sup> Sanam mε ba ka nùn dɔɔ, n wee durɔ goo u sarɔ mi, wi ba ra soku Simɔɔ Sirenigii, u wee gberu kpaanen di. N deema Simɔɔ wi, u sãawa Alesandu ka Rufusin baaba. Ma tabu kowobu ba nùn mwa ka dam ba nùn Yesun dãa bunanaru sɔbi. <sup>22</sup> Ba ka Yesu da mi ba ra soku Gɔɔgɔta, yĩsi ten tubusiana, aye te ta ka wii koko weenε. <sup>23</sup> Ma ba nùn tam wẽ mε mu ka tim menna mε ba ra soku miru, adama u yina u nɔ. <sup>24</sup> Yera ba nùn kpare dãa bunanarɔ. Yen biru tabu kowo be, ba win yãnu tete toosi bu ka wa ye ben baawure u koo sua. Nge meya ba ka Yesun yãnu bɔnu koosina. <sup>25</sup> Bururun kɔba nɔɔba nnen sakawa ba nùn kpare dãa bunanarɔ. <sup>26</sup> Tora te u kua ba ka nùn kpare, tera ba yorua ba mani ba nεε, Yuuban sunɔ. <sup>27</sup> Ba maa gbenɔbu yiru gabu dãa bunananu kpare, turo Yesun nɔm geuɔ, turo win nɔm dwarɔ. [ <sup>28</sup> Nge meya Gusunɔn gari yi kooru yi yi nεε, “Ba nùn garisi kɔsan kowobu sɔɔ.”]

<sup>29</sup> Tɔn be ba sarɔ ba nùn wiru diirisimɔ ba wɔnsimɔ ba nεε, ahã to, n ñ wuna ra nεε kaa sãa yeru sura kpa a kpaaru bani sɔɔ itan baa sɔɔ? <sup>30</sup> Tẽ, a re tii faaba koowo a sara dãa ten min di.

<sup>31</sup> Nge meya maa yãku kowo tɔnwerobu ka wooda yẽrobu ba nùn yaakorɔ mɔ. Ba sɔɔnamɔ ba mɔ, u gabu faaba kua adama u kpana u tii faaba ko. <sup>32</sup> Tẽ i de Kirisi Isireliban sunɔ u sarama su wa saa dãa bunana ten min di kpa su nùn naanε doke.

Meya maa be yiru, be ba kpare dãa bunanaru sɔɔ ka wi sannu, ba maa nùn wɔmmɔ.

Yesun gɔɔ

(I maa mæerio Mateu 27:45-56, Luku 23:44-49, Yohanu 19:28-30)

<sup>33</sup> Yera dōma ten sōō sōō, yam wōkura tem me kpuro wukiri sere n ka kua sōō sōōn kōba ita. <sup>34</sup> Kōba ita yen sakawa Yesu u gbāra ka dam, u nεε, “Eloi, Eloi, lema sabbatani.” Yen tubusiana, Gusunō nen Yinni, mba n kua a ka man deri.

<sup>35</sup> Be ba yō min gabu ba gari yi nua ma ba nεε, i ñ nōōmō? U Eli soku.

<sup>36</sup> Yera ben turo u duka na ka swēε duke dukesu si u wasa tam mōmmōm sōō u beri dεkaō. Ma u Yesu tii u nō, u nεε, i de su wa Eli ù n koo na u nùn sarasia.

<sup>37</sup> Yera Yesu u gbāra wōllō too too, ma win hunde ya doona.

<sup>38</sup> Ase saa yera maa beku kare te ta wāa sāa yeru sōō ta gēεrama saa wōllun di sere temō. <sup>39</sup> Tabu kowobun tōnwero wi u yō Yesun wuswaaō u wa nge me u ka gu. Yera u nεε, ka gem durō wi, Gusunōn Biiwa.

<sup>40</sup> Kurōbu gaba maa wāa mi, ba mēera sarun di. Be sōōra Maari Madalagii wāa, ka Salomε, ka Maari wi u sāa Yose ka Yakōbu yākabun mero. <sup>41</sup> N deema beya ba raa Yesu swii ba nùn nōōrimō sanam me u wāa Galileō. Kurōbu dabiru gara maa wāa mi, be ba ka nùn na Yerusalemuō sannu.

### *Yesun sikubu*

(I maa mēerio Mateu 27:57-61, Luku 23:50-56, Yohanu 19:38-42)

<sup>42-43</sup> Ye n kua yoka, Yosefu Arimategii u tunuma mi, wi u sāa beεregii Yuuban guro gurobu sōō, u maa mara Gusunō u bandu swii. Tōō te, tōō wērarugirun sōōrun tōra, tèn yokan di tōō wērarugira koo tore. Yen sōna Yosefu u da Pilatin mi ka toro sindu u ka Yesun goru kana. <sup>44</sup> Ma Pilati u biti kua too too ye u nua ma Yesu u gu kō. Yera u tabu sunō sokusia u ka nùn bikia Yesu ù n gu kō. <sup>45</sup> Ye tabu sunō wi, u nùn sōōwa ma Yesu u gu, u Yosefu nōō kā u ka goo te sua. <sup>46</sup> Yosefu u da u beku te ba wesa ka wēε damgii

dwa, ma u goo te sarasia u tu beku te tēke. Ma u tu kp̄εε kpee w̄oru ge ba dāka s̄o. Yen biru u kpee bakaru garu bimiamā u ka w̄oru gen n̄o k̄oru. <sup>47</sup> N deema, Maari Madalagii ka Maari Yosen m̄ero, ba m̄era mi ba Yesun goru kp̄εem̄o.

## 16

*Yesun seebu* ḡorin di

(*I maa m̄erio* Mateu 28:1-8, Luku 24:1-12 Yohanu 20:1-10)

<sup>1</sup> Ye t̄ō w̄erarugira sara, Maari Madalagii ka Salome ka Maari Yak̄obun m̄ero, ba turare dwa bu ka Yesun goru ȳka. <sup>2</sup> Ye n kua alusuma buun buru buru yellu kur̄o be, ba da siki ten mi. <sup>3</sup> Swaāo ba bikianam̄o, wara u koo bu kpee te bimia siki ten n̄on di.

<sup>4</sup> Ye ba m̄era ma ba wa, wee kpee te, ta bimiare baa m̄e ta kp̄a too. <sup>5</sup> Ye ba dua siki te s̄o ba aluwaasi goo wa u s̄o ben n̄om geūo u yabe kpikiru sebua. Ma berum bu mwa gem gem. <sup>6</sup> U bu s̄ōwa u n̄ε, i ku berum ko. Na ȳ ma Yesu Nasaretigiiwa i kasu wi ba kpare d̄a bunanaru s̄o. U seewa ḡorin di u n̄ w̄a mini. I m̄erio mi ba raa n̄n kp̄ii. <sup>7</sup> N̄ n men na, i doo i win bw̄abu s̄o ka Piεen tii ma u koo bu gbiiya u da Galilēo. Miya ba koo n̄n wa nge m̄e u raa bu s̄ōwa.

<sup>8</sup> Yera ba yarima ba duki doona sikiru min di ka diiribu domi berum bu mwa gem gem. Ba n̄ maa goo ḡānu ganu s̄ōwa berum saabu.

*Yesu u Maari* Madalagii kure

(*I maa m̄erio* Mateu 28:9-10, Yohanu 20:11-18)

[ <sup>9</sup> Ye Yesu u seewa ḡorin di alusuma buun buru buru yellu, Maari Madalagiiwa u gbia u tii s̄ōsi, w̄i s̄on di u wer̄ekunu n̄ōba yiru gira. <sup>10</sup> Ma kur̄o wi, u da u win kpaasibu labaari ye s̄ōwa be ba w̄a nuku sankiranu ka

swīi sɔɔ. <sup>11</sup> Sanam mɛ ba nua Yesu kua waso, kurɔ wi maa nùn wa, ba ñ ye wure.

*Yesu u bwãabu yiru kure*

(*I maa mɛerio Luku 24:13-35*)

<sup>12</sup> Yenin biru, Yesu u wigibu yiru gabu kure ye ba sīimɔ swaaɔ ba baru kpaaru garu dɔɔ adama u tii kɔsa ben nɔni sɔɔ. <sup>13</sup> Ye ba wɔma wuu min di ba be ba tie yen labaari sɔɔwa, adama ba ñ maa ye naane kue.

*Yesu u tii bwãabu*

*wɔkura tia ye sɔɔsi*

(*I maa mɛerio Mateu 28:16-20, Luku 24:36-49, Yohanu 20:19-23, Gɔrobun Kookoosu 1:6-8*)

<sup>14</sup> Yen biru Yesu u bwãabu wɔkura tia ye kurema ye ba dimɔ. Ma u bu gerusi ben naane dokebu sarirun sɔ ka maa ben degangam sɔ, domi ba ñ tɔn ben gari wure be ba nùn wa u seewa gɔrin di. <sup>15</sup> Ma u bu sɔɔwa u nɛɛ, i doo handunian baama kpuro kpa i bweseru baatere Labaari gea waasu kua. <sup>16</sup> Baawure wi u ye naane doke, ma ba nùn batɛmu kua, u koo hunden faaba wa. Baawure wi u kun maa ye naane doke, u koo taare wa. <sup>17</sup> Sɔm maamaakiginu wee ni naane dokeobu ba koo kɔ. Ba koo werekunu gira ka nen yīsiru kpa bu ka barum kpam gari gere. <sup>18</sup> Bà n waa gɔsɔnu sua nɔmaɔ, ñ kun mɛ bà n dɛɛ nɔra, ba ñ wahala gaa wasi. Bà n maa barɔbu nɔmu sɔndi, ba koo bekurawa.

*Yesu u doonɔ Gusunɔn mi*

(*I maa mɛerio Luku 24:50-53, Gɔrobun Kookoosu 1:9-11*)

<sup>19</sup> Ye Yinni Yesu ka bu gari yi kua u kpa, u suara wɔllɔ u da u sina Gusunɔn nɔm geuɔ. <sup>20</sup> Ma bwãa be, ba da ba waasu kua baama kpuro. Ma Yinni u ka bu sɔmbu te mɔ, u sɔɔsimɔ ka sɔm maamaakiginu ma ben gari sãawa gem.]

## Bibeli Gusunɔn Gari

The Holy Bible in the Baatonum language of Benin, also called the Bariba language

copyright © 2013 SIM

Language: Bariba (Baatonum)

Translation by: SIM International

### Bariba, Bibeli Gusunɔn Gari

This translation, published by the UEED/SIM au Benin, was published in 1996.

If you are interested in obtaining a printed copy, please contact the SIM at SIM, BP 15, Parakou, Benin.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-09-10

---

PDF generated using Haiola and XeLaTeX on 27 Sep 2019 from source files dated 26 Jun 2019

00601790-b883-5da1-83f2-d05a7fa289a8